

BUITIBALI BWA MOYA



Cwale Na lumela, cwale Na lumela,
Lika kaufela za konahala, cwale Na lumela;
Cwale Na lumela, cwale Na lumela,
Lika kaufela za konahala, cwale Na lumela.

² Ha luyemeñi ona cwalo fa nako nyana fela cwale kwa Linzwi la Mulena. Ha lu apuleñi ku Amosi, mupolofita Amosi, kauhanyo ya 3, kukala ni timana ya 1.

³ Ni bata kuitumela ku Kezeli Juanita ni Anna Jeanne ni Kezeli Moore, ka makutelo amande ani a lipina. I ni kutisize kwa mulaho, hane Ni inzi fani inge ni i teeleza. Ne ni sweli kunahana hane ba sapila ni luna, inge baopelanga mwa mikopano ya likundi, Muzwale Jack ni Na nelusweli kuambola zateni, basizana bao neli feela basizana babanyinyani, ba myaha ye sikisitini feela, nto yecwalo, musizana wateni. Cwale, Ni sepa, Kezeli Anna Jeanne una ni bana ba ketalizoho, mi Kezeli Juanita una—una . . . ki me wa bana bababeli. Mi se luli bukaufi luli ni malikelo ani, basali, kufita mo ne lubezi linako zani, mwendi ka myaha ye sikisitini ye shutana. Hakusana kuba tiyeho, lu kabe lusilezi mwabuse, yona nako yende yani.

⁴ Cwale ku Amosi kauhanyo ya 3, ha lu baleñi.

*Mu utwe linzwi la MULENA la bulezi fahalimwa mina,
Mina bana ba Isilaele, fahalimwa lusika kaufela lo Ni . . .
zwisize mwa Egepita ni li,*

*Na Ni zibile mina fela . . . masika kaufela a lifasi:
kabakaleo Ni ka mi nata . . . ka bumaswe bwa mina.*

*Kikuli ba babeli ba ka zamaya hamoho ba sa
lumelelani?*

*Kikuli tau i ka bopa mwa mushitu, ku si na se sweli?
ni mwana tau u ka bopa mwa musima wa hae, a si ka
swala se siñwi?*

*Kikuli nyunywani i ka swasisa mwa lilabafafasi,
kusina siteo? mi lilaba le li teilwe li ka tulela mwa
halimu, li si ka swasa sesiñwi?*

*Tolombita ha i lizwa mwa munzi, kikuli batu ha ba sabi
kaufela? mi cwale ziyezi i ka taha mwa munzi, i si ka
tahiswa ki MULENA?*

*Luli Mulena . . . hana kueza sesiñwi, a si ka sebel
mulelo wa hae kwa batanga ba hae bapolofita.*

*Tau i bopile, ya si ka saba ki mañi? Mulena u . . . bulezi,
ya ka hana kupolofita ki mañi?*

Halu inamiseni litoho zaluna.

⁵ Mulena Jesu, le cwale, Linzwi la Hao, Mulena, halube ni kopano busihu boo kupotoloha siemba see. Lwa lapela, Mulena, kuli U lufe mubonelo opahami wa palo yee, kuli lu itute ku yona, mi itise likutu ku Wena. Lu fuyole halunze lu libelezi, Mulena, busihu boo, fa Linzwi la Hao. Folisa bakuli ni ba ba ziyelehire. Pilisa baba latehile. Fa mata ku baba fokola, Mulena, bona babanze bafokola, hamoho mwa mubili ni mwa moy. Mi ulufe kusuluha kokutuna kwa Kubateni kwa Hao, kakuli lu kupa ka Libizo la Jesu. Amen.

⁶ Ni bata kunga tuto, kuzwa foo, busihu boo yeli: *Buitibali Bwa Moya*.

⁷ Musike mwa libala, kamuso, ki litapelo za bakuli kamuso. Lu kulubela Mulena kueza zetuna luli, kamuso musihali ka tuu kiloko, ko luka . . . ha lu ta kalisa lisebelezo zaluna. Mushimani ukaba moo ku to fa makadi a litapelo. Mi mañi ni mañi u ka lapelelwa yabata kulapelelwa. Mi lu kulubela nako yende hakalo, kamuso, ku Mulena.

⁸ Cwale mina sicaba babainzi mo, ba batilo pota kuzwa kwande a tolopo. Muhupule, kuna ni zende, luli likeleke zetezi Evangeli mwa muleneñi kaufela. Mu amuhezwi ku zona kaufela.

⁹ Ne ni sweli fela kuikambota ni alimuñwi wa balisana bo lutusana ni bona, fande, kona a sa zo kena fela, Muzwale Jackson, sapili neli wa keleke ya Methodist, muleneñi o lifafasi nyana kuzwa kwanu kuluna.

¹⁰ Mi ki ba bakai babaliteni mo baba swalisansa ni tabernakele, ha lu boneñi mazoho amina, kai ni kai. Mawi, Ni tabile hande—hande fa kuba ni mina. Wo kona mukopano o li fakaufi hahulu o se Ni bile ni ona mwa Indiana fa nako yetelele luli. Ni nahana za kukuta, cwanoñu faa, ni kubapula tende ku to ba ni Litolombita ze supa za mafelelezo zani, haiba Mulena alata.

¹¹ Kifohe, cwale, kono muhupule kamuso. Musike mwa libala, kamuso ka tuu kiloko. Mi, cwale, sebelezo yaluna yetatama i ka kalisa sunda yetaha, mwa Tampa, Florida.

¹² Cwale Ni bata kuambola fa tuto yeeli: *Buitibali Bwa- . . . Moya*.

¹³ Cwale, muuna yo yeluambola za hae, Amosi, fa nako nyana, kuli lube ni makalelo a luna lu si ka fita kale kwa palo. Ye neli ka nako ya punyuho yetuna mwa Samaria. Isilaele na sa fumile kuonyoka. Ñe se baile kulatelela lifasi mi ba fuma.

¹⁴ Isiñi kuli kamita bufumu ki sisupo sa limbuyoti za moy, kono fokuñwi ki lisili. Sicaba si nahana kuli mwendi uswanezi kuba ni lifa za lifasi, ni kubonisa kuli Mulimu usweli wa kufuyola. Yeo ha ki niti. Fokuñwi ki ka nzila yeñwi.

¹⁵ Kono lu mu fumana, yena, ha lu zibi hahulu zeñata ka mucaha yoo. Yena, haluna litaba za kale, kwa na zwelezi. Lu

ziba kuli yena, kuya ka Liñolo fa, ki mulisana wa mutapi, kono Mulimu na mu hulisize.

¹⁶ Na akaleza kubona, lizazi leliñwi lelicisa mwa Samaria mwani, ulimuñwi wa minzi yemituna ya lifasi ya lizazi lani. Ki nto yeñwi ka mayemo a kuli, lukona kubulela kuli, Miami, kamba—kamba Hollywood, Los Angeles, yeñwi ya libaka ze cwalo zani, libaka zeñwi zetuna za bosibuba-buhi. Mi lwakona fela kunahana ku mubona. Na si ka ba kale mwa munzi o cwalo fateni. Kono, nana ni Linzwi la Mulena, na taha mwa munzi omutuna wo ko ne kuna ni sibi luli kwa maneku kaufela. Bakutazi ne se bazwile kale kwa Linzwi la Mulimu, mi ne se ba tokwile mupolofita fa myaha yemiñata.

¹⁷ Mi kacwalo muuna yoo, ha na kambama lilundu cwalo, neku fela la mutulo wa Samaria, Ni akaleza fela ku mubona, lizazi le licisa luli inge monyeha katata, mi mahaha a hae a limbi kwa sifateho sa hae, ni meto a hae aba busansi, mi sitenda sa hae nyana, sa benya, ha na talima fa munzi wani. Mi meto a hae a ba busansi. Na sa talimi ze ba bonanga bosibuba-buhi kamita, kuya kwa munzi ku yo bona ze benya ka bunde kaufela. Na talimile ni kubona mufuta wa munzi wani mo no so fetuhezi, munzi o no banga munzi wa Mulimu sapili, mi no so bile mwa sinyeho yemaswe maswe yecwalo. Ki kabakaleo . . .

¹⁸ Yena mutanga nyana yoo, ya sa zibahali neli Amosi mupolofita. Mi cwale ha lu zibi zeñata ka yena. Ha lu zibi kwa zwelela. Bapolofita hañata ba tahanga mwa sibaka, ba sa zibahali, ba zwa ka mukwa o swana. Ha lu zibangi ko bazwelela, ko ba yanga, ha lu zibangi situndo sa bona. Mulimu u ba tisanga fela cwalo. Ne si yomutuna ka likute ha talimwa, kono nana ni sa kuli SA BULELA MULENA KISONA. Yeo kona nto yabutokwa ye Ni bona. Eeni sha, na tile kwa Samaria ku to kalisa mukopano wa hae. Ni sepa kuli nasina kutwano ni mutu. Na sina kadi ya kopano yezwelela kwa kopano kaufela. Na sina mapampili a kubonisa sikuwata kwa na zwelela. Mi, kono, nana ni nto iliñwi, nana ni Linzwi la Mulena la munzi wani.

¹⁹ Mi ha Ni zibi, haiba ne lu ka shimbulula Amosi, kacenu, kutaha mwa nako ya luna, Ha ni zibi haiba na ka amuhelwa mwa muleneñi waluna kacenu. Ha ni zibi haiba ne lu ka mu amuhela, kamba ne lu ka eza feela mo ne ba ezelize bona. Lu fumana mileneñi yaluna mwa kubola ko kuswana. Mi lu fumana kuli sibi se silli sesituna fela mwahala sicaba, sina mo ne kuinezi linako zani. Mi ha Ni zibi, haiba muuna yo ya sa zibahali, u ka kalisa cwani mukopano woo? Cwani, u ka u kaliseza kai? Ki keleke mañi kwa kaya, kamba ki mañi ya ka utwana ni yena? Na sina za kubonisa ko na zwelela, nasina niheba nto yekana kwanda kuli SA BULELA MULENA KISONA kwa muleneñi wani.

²⁰ A ba fumana mwa bumaswe luli ni mwa kubola, neli nako yetata. Basali ba munzi wani ne se ba fetuhile sina ba mwa

United States. Ne ba bile ba bamaswe. Kaufela Mulimu za na bata kubona, ne se baile ka nzila isili. Mi—mi lu fumana kuli neli sibaka sesituna ko ne bana ni mikiti ya kubina mwa mukwakwa, basali ka butanya ne ba itubaula kupazaula liapalo zabona, ni zeñwi cwalo, inge macanci baba mapunu. Kakuli, yani neli tabo ya sicaba mwa mazazi ani, cwale seli zazi ni zazi. Mutuhele fela kukale kucisa, mi ha mu sa ya kwa mukiti ufi kaufela. Kale kale bamwa mukwakwa, kai ni kai, kupale kumane. Mu no swabanga mina basali, ka kueza nto yecwalo! Kana ha mu ikutwangi maswabi?

²¹ Mi cwale—cwale mi se Ni li ku musali kwanu, ha ki kale hahulu, mi yena ali, “Kupalañi,” ki hali, “Muzwale Branham,” abulela, “kuli, bao—bao fela ki basali babañwi kaufela.”

²² Na li, “Kono ha lu lukeli kueza inge batu babañwi. Luna lwa shutana. Luna lwa—lwa shutana kwa mikwa.”

²³ Si ni hupulisa musali cwana, yana ize, “Kihande, Muzwale Branham,” yomuñwi abulela kuli, “Na—Na—Na ha ni tinangi tuputula.” Ali, “Ni tinanga fela malukwe.”

²⁴ Se nili, “Zani li maswe.” Uh! “Mulimu naize, ‘Ki maswabiswa,’ mwa meto a Hae, ‘kuli musali a apale liapalo zeswanela muuna.’” Yeo luli ki niti.

Alimuñwi naize, “Kihande, ha ba sa lukanga liapalo zeñwi.”

“Ba sa panganga mishini ye luka liapalo mi bana ni liapalo.”

²⁵ Hakuna buinyazo. Ki ze li fela mwa pilu. Kona ze bonahalela kwande. Ki—ki zona zeiponahaza.

²⁶ Mi cwale lufumana kuli, mwa munzi wo, wa to sinyeha luli ka buiswalo. Bakutazi ne ba saba kubulela sika ka zona. Mi, kono nebana ni yena yo, ndatetuna yomunyinyani ya na taha kwabuse bwa lilundu, na taha kwa ku ba bulelela kuli SA BULELA MULENA KISONA, “A mu lukile taba ye, kamba mu ka kena mwa butanga.” Mi apila kubona mazazi a bupolofita bwa hae butalelezwa. A polofita mwa mazazi a Jeroboami wa Bubeli, ya nali fela muyambaeli, mane; yena—yena a shemuba linaha. Mi—mi yena Amosi yo apolofita ni ku ba bulelela, mi ali, “Yena Mulimu luli ye mu ipapata kusebeleza, Uka mi yundisa.” Mi Aba bulaya.

²⁷ Mi haiba linzwi la Hae nelikaba mo busihu cwana, mwa . . . ona mwa Birmingham, ne li ka bulela lika zeswana kwa likeleke. “Yena Mulimu yaswana ye mu ipapata kusebeleza, uka mi yundisa zazi leliñwi.” Ha ni buleli kwa sicaba se mo. Matepu a shangwe aya kwa lifasi loote. Cwale, muhupule, yeo ki niti.

²⁸ Mi alemuha cwana, ha na tile mwa munzi, kuli a . . . lika ze kaufela, Na komoka mwa na ikutwezi hatalima ni kubona sinyeho ya sicaba sa Mulimu, bona kwa na lomezwi.

²⁹ Ha ni zibi haiba ne lu ka mu amuhela cwale? Hana ka kena mwahali, kikuli nelu—neluka utwana ni yena hande? Kikuli ne lu

ka mufa za—za luna zende? Kana ne lu ka muiseza ngana? Kikuli ne lu ka baka ha na ka lu bulelala kuli lukutele kwa Linzwi la Mulena ni kueza kuyaka nzila ya Mulena mo i bulezezi?

³⁰ Ha ni zibi zeo likezeli zaluna ze li ka eza ka za milili ya kukuta? Kana ne ba ka tuhelela milili yabona kuhula hape, Amosi ha na ka taha? Na ka i kutaza, mi Ni mi bulelala cwalo, kakuli leo kona Linzwi la Mulena.

³¹ Na—Na hanizibi haiba bahesu—haiba tutengo twaluna to tu beile madikoni, baba se ba nyezi halalu kamba hane, ni—ni zeñwi zeswana sina cwalo, ni kulika kuba madikoni, Hani zibi haiba litaba ze kaufela, Ha ni zibi za na kaeza ku mutu ya na ka tuhelela musala hae kutina tuputula ni kuzwela fande mwa mukwakwa kwani, ni kungwenjula patelo, fande mwa patelo, kanti muuna inza sweli kufita? Ha ni zibi za na ka bulela ku muuna yoo?

³² Na ka halifa luli ka ze li ku yena kaufela, kakuli nana ni sa kuli SA BULELA MULENA KISONA, mi hakuna sa na ka eza konji ona seo. Na ba fumani ka lizazi lani ka taba yemaswe ya butuku, ili buitibali bwa moyo, mi ona cwalo fela kona mo lubezi ni kacenu.

³³ Cwale, na zibile cwale ze ne ka ezahala? Kana Amosi na ka ziba cwani? Pili, nali mupolofita. Mi, taba yetatama, a ziba ka butuku ze ne tisize cwalo, mi na ka ziba linepo mo ne li ka bela.

³⁴ Haiba dokota utalima fa sitombo sesituna luli kululuha kwani se ku keni cwalo, u ziba kuli hakuna ze siyezi konji lifu. Ku felile, kwanda kuli Mulimu aeze fateni sesiñwi.

³⁵ Kihande, ha u talima fa munzi, mi utalima ni sicaba, mutualime keleke, ni kutalima sicaba se si zwile mane sesili kwahule ni Mulimu, hakuna zeñwi ze fumanwi kono, “Sibi! ‘Mi mupuzo wa sibi ki lifu.’ Ki kushwa.” Temuho yateni ibonisa seo ili sona. Mwa bona, mi batu ha ba zwa ku Mulimu ni kuhana ku teezea kwa Linzwi, ha ba sana takazo niheba yekana kwa Linzwi, kipeto kusiyeye fela temuho iliñwi ku zona, “‘Moyo o eza sibi, moyo wo kona o ka shwa.’ Kusalumela ku ka ku kauhanya ni Mulimu.” Yeo luli kona niti.

³⁶ Kuli, na zibile butuku bwateni, seo linepo nelili zona, ha bona matuku a—a sibi mwa munzi.

³⁷ Cwale, ona buitibali boo, lu bulelwa kuli ki—ki—ki... bu kutiseza kuba mwa sibaka mo sakoni ku itiba ili wena. Cwale, ki nto yenca. Ha i ezahalangi fa ni fa, kono itiswangwa ki nyungano. Ki mutu mane ya sa zibi kuli ki mañi. Zeo mu lifumana mwa lindwa, fokuñwi, masole ba bukulanga. Fokuñwi batu ba bu kulanga. Nto yeñwi ye butisanga, ki lipilaelo. Lipilaelo zakona ku butisa.

³⁸ Lipilaelo halina mata ku bona, niheba hanyinyani. Ehe, fela—fela—fela mu mutuhelange lipilaelo, mi mu amuhele tumelo.

³⁹ Yomuñwi ali, “Kihande, cwale, kucwani haiba u ka kunupiwa kakusasana, kipeto usike wa bilaela?”

Na li, “Batili, ha ni sepi cwalo.”

“Kiñi?”

Se nili, “Kubilaela hakuna kueza sesiñwi kono ku ka ni totobeza fela.”

“Kihande, ki bunde mañi bo bu kabateñi fa kuba ni tumelo?”

Na li, “Yakona ku ni lamulela.” Mi yeo ki niti, mwabona.

⁴⁰ Kacwalo lipilaelo halina mata ku zona, ni hanyinyani, kono tumelo ina ni mata kaufela. Mulumele!

Cwale lipilaelo fokuñwi kona zetisanga cwalo.

⁴¹ Mi nto yeñwi yetisezanga cwalo mwa sicaba, ki kuba mwa mihipulo yemibeli. Zeo zakona kutisa buitibali. Mi bu kubeya fa sibaka sa kuli ha—ha una, mane, so ezize, u latehelwa ki kunahana kwa hao. U latehezwi ki ngana ya hao. Haukoni kueza... Ha u sa ziba kuli ki wena mañi. Mane ha ukoni ku itemuha. Wa kona kuzamaya kwa ni kwa, kuca ni lika zeñwi kaufela, kono, wena, nicwalo haukoni ku itemuha. Una ni tuto ya hao hande ya sikolo, wakona ku... tuto yeswana yo no nani, kono ha u sa ziba kuli izwile kai, ha u sa ziba kuli u mañi, u wela kai. Yeo kona amunezia buitibali, kona mo lu bulelawa.

⁴² Lu zibahala ka mabasi a luna, mwa bupilo bwa nama boo, ka linyalo. Mi ni bafumahali ba luna, bo lunyalananga ni bona, mane mabasi aluna a zibahala ka tamahano ya—ya—ya linyalo laluna. Mi cwale, sa ku nahana, kucwani haiba nto yemaswe ye ika ezahala ku wena mi hausakona ku hupula yo nyezi, kuli musala hao ki ufi, ki bafi bana ba hao, bondataho ki bafi ni bomaho, muyaha tuko wa hao ki mañi? Yeo ikona kuba—kuba nto yemaswe.

⁴³ Mi lwa zibahala, hape, lwakona ku itibahaza ka lusika lwa butu, ka kuba ni butali mi—mi ni kushutana kwa bupilo bwa lifolofolo. Folofolo haikoni kunahana, yona izamayanga fela ka milumo. Ha ina moyo. Mi, kono, luna lu bupilo bwa lifolofolo. Se si lu shutanisa... Luna lu libupiwa ze futumala mali, kono seo... Folofolo yecwalo ifutumala-mali folofolo yateni, mi luna lu mwa kalulo yeñwi ya folofolo. Kono se si lu shutanisa, lu zibahala ka kuba ni moyo, lizwalo le li lu bulelawa se si lukile ni se si fosahalile.

⁴⁴ Cwale kuna ni sibaka, ha uba ni buitibali boo, wakona kuba sina Nebukadinezare, mo ne kubeki, yana i pahamisize nako yeñwi, mi Mulimu amu eza kunahana kuli nali folofolo. Mi apila kwahule mwa lihalupa mi—mi ni kuca bucwani sina komu. Mi—

mi milili ya—ya hae yahula fa mubili kaufela, inge mafufa a mbande, mi aba ni pilu ya sibatana ku yena. Mwabona? Bwani neli buitibali, kakuli na sa libezi kuli nali mulena. Na libezi kuli na li mutu. Mi a hupula kuli nali folofolo, kacwalo aeza sina folofolo, kakuli na libezi kuli na li mutu.

⁴⁵ Zeo libunolo hahulu, kacenu. Mi lwa libalanga, fokuñwi, seo Keleke ya Bukreste ili sona. Lu eza sina lifasi. Seo sibonisa kuli luna ni buitibali bwa moya, kakuli ha u ezi sina Mukreste. U eza sina lifasi. U amuhela pilu ya lifasi, mi iezanga ona cwalo.

⁴⁶ Fa lu—lu fumana kuli Isilaele na bonahalize, na bonahalizwe kwa lifasi, mi awela mwa siteo se. Mi mupolofita yo a lumiwa ku yo ba lamulela, haiba na ka kona ni kuba bulelela. Kono, ka muhau wa Hae, aketa Isilaele kuzwa mwahala masika kaufela a lifasi. Muhau kona o no ezize zeo. Na ba file sibaka sa buiketo bwabona. A bafa mandu o ne ba si ka yaha. Mulimu na ezize cwalo, aba keta. A bafa masimu o ne ba si ka leka. A—A bafa, lico ze ne ba si ka cala. A bafa masima o ne ba si ka kata. A bafa tulo ye ne ba si ka koma kale. A bafa sisshemo se ne si sa balukeli. Mulimu aeza cwalo ka sisshemo sa Hae kwa sicaba se, Isilaele, muketwa wa Hae, mulatiwa wa Hae.

⁴⁷ Mi ki U ize cwana, mwa Bibele, “A mu fumana mwa simu, sina mwa na musizana ya inzi mwa mali a hae, mi A mutapisa ni ku mukeniswa, ni zeñwi za Na ezize. Kono kasamulaho Mulimu amubonisa sisshemo, mi a fuma,” a kula kuitibala, kuitibala, “mi a libala zeo kaufela ko ne kuzwelela zeo kaufela.”

⁴⁸ Ni sepa kuli seo kona siswaniso sa U.S.A., 1964. I kula butuku bo buswana. Luna lu likeleke zetuna zetiile. Lu sicaba se si tuna, se si tiile. Luna lu bolule-lule mwa palo, mi se lu libezi ko ku zwelela lika ze.

⁴⁹ Nebana ni butata mwa taba yateni. Kasamulaho Mulimu amano ba bunde ku bona, ni ku ba lamulela kwa linaha za mahedeni kaufela, mi a baeza sicaba se si shutani, a i kauhanyeza bona ili Yena. Ki hali, “Anga mutai wa kota mwa naha isili ni ku icala mwa naha yeñwi, ni mwa Na u huliselize kuli u beye miselo ni kutahisa miselo, kono mutai wateni wa libala ko ku zwelezi limbuyoti zaona.”

⁵⁰ Ki mo si ezelize ni sicaba sa Mulimu, mazazi a mafelelezo aa, ba libezi bupaki bwa kuba Mukreste se bu talusa. Ki cwalo hape, buitibali bo se butile fahalimwa sicaba. Ha ba sa ziba kuli kibomañi.

⁵¹ Bona, ba libezi za Teni kaufela. Ba libezi za kukena kwa Hae. Ba libezi milao ya Hae. Basali ne ba pila sina basali babañwi kaufela.

⁵² Keleke ya Mulimu ni sicaba sa Hae ba bile cwalo kamita, “Sicaba se si kauhani, ki—ki sicaba se si bizelizwe kwande, sicaba se si ipitezzi, naha ye kenile, buprisita bwa bulena; kufa litabelo za moya ku Mulimu, miselo ya milomo yabona, kufa

tumbo kwa Libizo la Hae.” Mulimu u bizize Keleke ya Hae ni ku I kauhanya kwa lifasi, ka ona mulelo wani. Mi a I fa mulao, mi Yena, ni Yona, i swanela kuna ye kenile. Ki hali, “Ni kenile, mi ni mina muswanelu kukena, mi kusina kukena hakuna mutu ya ka bona Mulena.” Mulimu na bulezi cwalo, yena Kasibili.

⁵³ Mi Abiza sicaba se kuli sibe mufuta wa sicaba se si cwalo, kono ne se ba libezi ka zona. Ne ba libezi milao ya Hae, mi ne se ba libezi buiswalo bwa bona. Bahame kwande mwa mikwakwa, basali ba ma Isilaele kwani, mañi ni mañi na kulubela kuli—kuli abe ya pepilwe ka Moya o Kenile, kuli apepe Mesia, ni kuzwelapili kueza ze cwalo. Mukwa wa bona no li o maswe.

⁵⁴ Ni bata kuyemela fo ka muzuzu, ni bulele kuli kinto yeswana mwahala sicaba saluna, kacenu, se si ipiza kuli Bakreste. Mukwa wa bona, haiba mukona fela kulemuha!

⁵⁵ Nako yeñwi, kwa Mboela. Ne ni balile likande kwani, ha ne ba banga ni batanga. Ne ba nganga sicaba sani ni ku ba lekisa kwa musika, inge mo ne mu ka ezeza mota ye itusizwe kale fateni. Mi nekuna ni muleki, wa batanga, wa taha utonga batanga ba ni ku ba lekisa, inge fela mo ne mu ka lekela mota kamba nto yeñwi.

⁵⁶ Mi batanga bani nebali kwahule ni naha yabona. Ne ba zwa kwa Africa. Ma Boers kona bene baba swalanga, babatisa kwanu kwahule ni lioli, ni kuba kenya mwa United States ni ku ba lekisa kuba batanga, kuzwa kwa Jamaica ni libaka zeñwi.

⁵⁷ Cwale lufumana kuli sicaba sani ne si na ni bulutu. Ne ba hapilwe kwa minzi yabona. Ne ba ngilwe ki sila, mi ne ba na ni bulutu. Ne ba si ke babona baana babona hape, kamba bafumahali babona ni kamuta, bo ndatabona ni bo maabona, bana ba bona. Nebali fela mwa . . . Ne ba ba shapaka, ka litupa, ku ba belekisa, kakuli nebali batu ba ba ishondile.

⁵⁸ Mi zazi leliñwi, muleki wa batanga ataha kwa litema leliñwi, abona sikwata sa batanga inge ba beleka. Mi kiha—kiha kena ni kubuza muñi, ali, “U na ni batanga babakai?”

Ali, “Bakona kueza mwanda cwalo.”

Ali, “Una ni yokona ku cincanisa kamba kulekisa kwateni?”

Ki hali, “Ehe.”

Ali, “Alu bone ni fite mwateri pili.”

⁵⁹ Ki ha zwela kwa simu ku yo ba talima, mi aba bona ha ba shapiwa ni ku fetaulwa. Mi kasamulaho nyana, abona mutangana alimuñwi ye ne ba sa shapangi. A fumumbukisize sifuba ni kunanula mitahali ya hae; ne ba sa mushapangi. Kacwalo muleki wa batanga ali, “Ni tabela kuleka mutanga yoo.”

Mi yena ali, “Kono yo a lekisiwi.”

⁶⁰ Ki hali, “Kihande, ki shutano mañi yeliteni ku mutanga yoo?” Ali, “Kana mutanga yo ki yena nduna wa bona kaufela?”

Ki hali, “Batili, ki mutanga fela ni yena.”

Ki hali, “Kihande, mwendi u mu fanga lico lisili.”

Ki hali, “Batili, u celanga mwa mukokolombwa hamoho ni batanga babañwi kaufela.”

⁶¹ Ki hali, “Kihande, ki sikamañi se si mushutanisa kwa batanga babañwi?”

⁶² Ki hali, “Kihande, taba ye Nina, ne i ni komokisanga, fa nako yetelele. Kono zazi leliñwi Na to ziba, kuli, koo kwa na ha yazwelela, ndatahe ki mulena wa mushobo omuñwi. Mi yena ni ha li kwa na ha ya kusili, mane kwahule ni lapa la habo, niteñi u ziba kuli ki mwana mulena, mi yena—yena u i pala sina mwana mulena.”

⁶³ Na hupula kuli, “Kono, yani, mbali mutu Yomunsu ya zwa kwa Africa, mi u ziba kuli ndatahe ki mulena fela wa mushobo omuñwi mwa lusika, likona kufita kai ku Mukreste ya pepilwe sincia, muuna kamba musali, yoo Ndata luna ki yena Mulena wa Lihalimu mwa Kanya!” Lu swanelia ku ipala sina Bakreste baana ni basali. Luswanelia kukena mwa likezo zecwalo, kubulela ona cwalo, kupila ona cwalo. Ni ha lukaba bayambaeli kusili, niteñi lu sa li bana ba Mulena. Amen.

⁶⁴ Mukwa wa luna, kukuta mwa mulaho mwa mazazi o lupila kuona cwale! Isilaele na sa kenelezi fela mwa mukoti oswana mi hape na li mwatasi ka buiswalo bwa hae. Ne ba libezi milao ya Múlimu, “U si ke wa buka, mi u si ke wa lakaza musala wa henu,” ni zeñwi cwalo. Ne se ba libezi milao yani. Neba—neba—neba si ka i tabela ni hanyinyani. Mi neba—neba bata ku—ku ba sina babañwi kaufela ba lifasi, inge fela keleke mo se ibezi kacenu.

⁶⁵ Nako yeñwi, Isilaele, ha ba kalisa, ne ba bata kuba ni mulena ya ba busa. Samuele a ba bulelela, mupolofita ya na lumilwe kubona, ki hali, “Cwale kana Ni kile na mi bulelela sika ka Libizo la Mulena se si si ka ezahala fateni?”

Se bali, “Batili, wa li kuba.”

⁶⁶ “Kana Ni kile na mi kupa lico ni masheleñi, masheleñi a mina, cwalo, kuli ni pile ka ona?”

⁶⁷ “Batili, ha u si ka eza cwalo. Ha u si ka lu bulelela sika, Samuele, kono kaufela li ezahalile. Mi ha u si ka lu kupa masheleñi, kuli upilele fateni. Kono, niteñi, luna lubata mulena, kupale kumane.”

⁶⁸ Mulimu ali ku Samuele, “Ba tuhele babe ni yena. Ha ki wena ye ba hanile; ki Na ye ba hanile.”

⁶⁹ Isilaele na sa keni mwa siswaniso seo cwale. Ne ba sa lati bapolofita ba Mulimu niheba hanyinyani. Ne ba sa ba tokwi. Mi haiba yomuñwi na ka taha, ni kutisa Linzwi, ni kulika ku

ba kutiseza kwa Linzwi, ne ba Li hana. Bona kamita ki mo ba ezelize, mwa mukwa o sinyehile oo.

⁷⁰ Mi lifasi ni keleke ha li kopana hamoho, kipeto ha ba sa lata lika za moyo. Ha ba sa lata za kuli SA BULELA MULENA KISONA. Ba bata se ba bata. Ba bata lifasi, ni kubulela kuli ki Bakreste; ni kupila mwa lifasi, ni kupila ni lifasi, ni kupila sina lifasi, ni kutundamena kuba ni buipuleli bwabona bwakuli ki Bakreste. Mwa ziba, taba yateni ki kuli, ki buitibali bwa moyo. Kona fela seo sili sona. Ha ba zibi bao bali bona. Ba libezi se ba lukela kuba kueza.

⁷¹ Haiba alimuñwi aka taha kacenu, sina cwalo, ukona kuhanwa ka mukwa o swana. Nebana ni mayemo amaswe ka zona, mi ba cwalo ni kacenu. Ne ba bapelpwa ku itemuha ka lika za buipiteli, nihanyinyani, kakuli ne ba sa li tabeli. Linzwi, yona Evangelii, ne ba sa I tabeli. Butuku bwa sibi ne bu ba taselize, mi ne ba lata cwalo.

⁷² Sibi sa tabisa kwa pilu ye si ka baka kale. Si bonahalanga hande kwa ngana ye si ka fetulwa, kono ki nzila ya lifu. Hakusana nto yesiyezi kwanda lifu. “Mupuzo wa sibi ki lifu,” mi uswanela ku kutula ona mipuzo yeo. Mu calezi mwa moyo, mi cwale mu kutula kakundukundu.

⁷³ Lisupo za moyo ni kutazo ya mulumiwa ya supilwe ki Mulimu, ne li si ka ba nyunga neba hanyinyani. Basali ne ba seha inge ba batalimezi, ni kubulela kuli, “Ha ni lukeli ku yo teeleeza litaba zecwalo.” Haiba zeo ha li si ka kutela hape! Ki sikamañi seo? Buitibali bwa moyo, kona mo buinezi luli. Ba libezi kuli Mulimu ni Linzwi la Hae za swana, mi Hakoni ku Li cinca.

⁷⁴ Haiba mupolofita na ka taha mwa mazazi ani ni kubafa sisupo sa moyo, linzwi la moyo, ni kubeya linzwi la Mulimu mwa mulaho wa sona, ne ba ka Li seha fela ni ku li Libona bukuba.

⁷⁵ Mwa ziba pulelo ya kale yeli, “Likuba likona kuzamaya ni makatulo ana ni limapo fo kusaba kuhata Mangeloi.” Kona se i bu ezanga nibona buitibali bwa moyo boo. Buezanga kuli sicaba sifite fa mayemo akuli mane habasana maikuto mwahali kubona. Ha ba lati lika za moyo.

⁷⁶ Munge mukopano luli wa moyo, mo kuna ni Moya o Kenile unzo folisa bakuli ni kulemuha milelo yeli mwa lipilu, ni ku ibeya mwa likeleke, ki nyakalalo yetuna fela kwanu mwa muyaho wa lipapali, mi mutualime ze ka ezahala. Mwa mizuzu yelikani, mañi ni mañi uka yema ni kuzwela fande. Habana sa kueza ni lona. Hakuna ze ba bata kueza ni lona. Ba ka teeleeza kwa ngambolo yeñwi ya buituti fela.

⁷⁷ Kono ha li taha kwa Mata a Jesu Kreste, ni zuho ya Hae, ni Moya o Kenile, hakuna ze ba tabela kueza ni Zona, kakuli za ba nyaza. Li ba beya fa mulilo o ka lika ze ba lukela kuziba. Hakuna tabo, nako ya kalimelwa mutu. Kono, fela, haiba u i tiisa cwalo, ku—ku kalimelwa koo ku ka tisa miselo ya kubaka. Kacwalo

lufumana kuli, fo buitibali bwa moya boo ha bu swala mutu, kipeto uba mwa—mwa buino bo bu maswe. Cwale lu fumana taba yeswana cwale. Ni bata kuli...

⁷⁸ U swanelu ku zibahala. Fokuñwi una ni kubonisa. Bupilo bwa hao bwa bonisa, busihu boo, ko zibahalela. U zibahalela ku Kreste kamba kwande a Kreste. Ha u na kuba licika fela. Hakuna mutu ya kozwi ni kuba hande ona foo. Hakuna nyunywani yensu ni busweu ona foo. Ikana yaba kuli upilisizwe kamba ha u si ka piliswa. U mulumeli kamba u muezalibi, alimuñwi kamba yomuñwi, ni mubonelo wa hao kuama Linzwi la Mulimu u kubonisa hande fo yemi. Kiniti!

⁷⁹ Linzwi la Mulimu, le li pakilwe, libonisa kuli kolobezo ya Moya o Kenile kinto yesana fela sina ka Lizazi la Pentekota kamba nako isili fela. Mi Jesu Kreste ki yaswana maabani, kacenu ni kuyakuile. Mi mubonelo wa hao ku Zeo kona o bonisa haiba una ni buitibali bwa moya, kamba nee. Yeo ki niti. Hakuna taba u dikoni, kamba haiba u mukutazi, ha si ezi... Eehe, ba ka ba ni ona, nibona. Kacwalo lufumana kuli, wa yambukela mi uftita mwa lika kaufela. Cwale lu lemuha ona cwalo.

⁸⁰ Cwale, kuba mu American. Ku ba mu American, Ni swanelu ku zibahala ni naha ya ka. Cwale amuteeleze hande. Kuba mu American, ha Ni pepilwe mo mwa naha yee, Ni ba muña naha, mi Ni zibahala ni yona naha yee. Kaufela zeili yona, Ni cwalo. Kaufela se ne ibanga sona, Ni cwalo. Kakuli Ni zibahala sina mu American, kona kuli Ni na ni kuna maswabi ayona kaufela, kanya ya yona kaufela. Kaufela seo ili sona, Ni cwalo, kakuli Ni zibahala ni yona. Amen. Ni bata kuli mu li utwisise. Ni zibahala kuba mu American, kipeto kaufela ze ne ibanga, Ni cwalo. Kaufela ze ili zona, Ni cwalo. Ni swanelu kuba siemba sa yona. Ni nani... haiba Ni mu American, Ni wa siemba sa America. Mi kaufela se ili zona, Ni cwalo.

⁸¹ Ha ni lukeli kulibala se. Haiba Ni bata kusiyala ni lil mu American wa niti, Ni swanelu kuhupula kuli Ni cwalo sona se ili naha ye, kakuli Ni zibahala ka naha ya hesu. Ku libala naha ye, kamba—kamba... Ku i lwanelu, kamba ku ishwela, kamba kuyemela ze iyemela kaufela, Ni swanelu ku i yemela. Seo naha yaka ili sona, kisona se Nili sona nina. Ze i yemela, Nina na li yemela. Kuba mu American ya ishuwile, Ni ka itukisa ku ishwela, ku i lwanelu, kueza kaufela ze swanelu. Ni wa siemba sa yona. Ha ukoni ku i shendaula u sa shendauli nina. Ha u bulela zemaswe ka yona, u bulezi zeo kulwanisa na, kakuli Ni mu American. Ku bulela zeo kulwanisa naha ye, ba ka li bulela kulwanisa wena, kakuli u siemba sa yona. Musike mwa libala cwalo; ha mu ka libala, kipeto muna ni butuku bwa amunezia, ki niti luli.

⁸² Mi, muhupule, ha u mu American haiba upalelwaa kuba siemba sa yona. Uswanela kuba cwalo. Seo mu American ali

sona, u swanelu kuna sona ni wena. Ni swanelu kuba wa siemba sa yona. Ye ki naha yaka, Ni swanelu kuba wa siemba sa yona. Seo ili sona, Ni cwalo. Mwabona, se ne ili sona, Ni cwalo. Hakuna taba kamba neili cwani, Ni sa li sene ili sona.

⁸³ Ku ba mu American, Ne ni ilo hata fa licwe la Plymouth Rock, ni yona, hamoho ni bashemi ba ikale. Ne ni i lo hata fateni; Ni siemba sa yona. Ne ni pahami ni Paul Revere, ku yo mu lemusu likozi za hae. Haiba Ni mu American wa niti, Na yo lula fa Plymouth Rock. Ne ni pahami ni Paul Revere, ku yo lemusu za kozi ya lona. Mwa ziba ze Ni talusa cwale?

⁸⁴ Ne ni ilo sila Delaware ya litwa, neluli ni George Washington, ni masole ba hae bene bali fela mahutu-hutu. Ne nili kwateni, kwani kakuli Ni zibahala ni naha ye. Sa na ezize kwani Ne nili siemba sa hae; se Ni eza cwale ki siemba sa hae. Ne ni zibahalile ni Washington, kwa Delaware.

⁸⁵ Na yo yema ni Stonewall Jackson, lilalo ha ne li mu lwanisa maswe maswe, mi ba buza bali, "U kona kuyema cwani sina licwe fa limota, kanti lilalo za kulwanisa?" Ndatetuna wa meto a mubala wa bu ndilu wa maswabi-swabi alaha likatulo la hae kututula kwateni maluli, mi ali, "Ha ni nwangi mezi konji pili Ni lumbe Mulimu Yamata kaufela ka ona." Ni lukela kuyema sina licwe la kwa limota ni yena. Ne ni yemi kwani ni Stonewall Jackson. Ku ba mu American, Ni zibahala ni yena ni mayemo a hae. Kusila Delaware! Kulwana lindwa!

⁸⁶ Ne ni pahekile ndembela. Ne nili nibona ha ba paheka ndembela fa Guam. Kasamulaho likitikiti za masole ba ma American ba fa bupilo bwabona, mi ni sikhata nyana sani ha si matela kwani ku yo paheka ndembela, Na zibahala ka kupaheka ndembela yani; mañi ni mañi waluna nali cwalo. Ma American kamukana ne ba zibahalile ni yona ndembela yani ha i yo pepela fahalimwa Guam. Ha Ni utwa kuli ne ba i lo tama ndembela yani kwani, mioko i buba fa malama. Yani neli na. Yani neli wena. Sani ne si talusa luna kaufela, ha ne lu zibahazwa kwani ka sani.

⁸⁷ Kaufela sa li sona, Ni cwalo. Kanya ha hae kaufela ki kanya ya ka. Maswabi a hae kaufela ki maswabi aka. Haiba u ezize lika ze swabisa, kona kuli Ni lukela ku mutualima... ni yemele maswabis a hae. Haiba u amuhela likute, Ni amuhela kanya hamoho ni yena, kakuli Ni zibahala hamoho ni yena. Cwale, ka kuzibahala, mu American ulukela kuyemela maswabi a America kaufela, kanya ya America kaufela, kaufela se ne ili sona. Kaufela sa li sona, kamba sa ka ba sona kaufela, u zibahala ni yena cwalo.

⁸⁸ Cwale, kuba Mukreste wa niti, u lukela kuba ya swana. Ha lu lati kulibala zeo. Kaufela za Na li zona, Ni zibahala ni Yena. Ni zibahala ni Yena.

⁸⁹ Mulemuhe, mi U ku na, mi Na ku Yena. Mulemuhe, cwale, Mukreste kaufela ya li Mukreste—Mukreste wa niti luli, hamoho

ni Yena, "Fani linaleli za kakusasana ha ne li opela hamoho ni bana ba Mulimu ha ne ba huweleza ka tabo, ku si ka ba kale mutomo wa lifasi." Ne lu zibahalizwe mwa libaka ze pahami hamoho ni Mulimu, lilimo ze eza teni milioni mane lifasi li si ka eziwa kale. Ne nili kwa mulaho kwani ni Yena. Haiba Ni na ni Bupilo Bobusafeli, Ne nili ni Yena. Ne ni zibahalizwe ni Yena, "Linaleli za kakusasana ha ne li opela hamoho ni bana ba Mulimu ha ne ba huweleza ka tabo."

⁹⁰ Ne ni li ni Yena nako Ya biza Abrahama ka silimo sa—sa bu sebente-faifi sa kupepwa, mi musala hae inza lii wa myaha ye sikisite-faifi, ni ku mu bulelela kuli ba kaba ni mbututu. Ne nili ni yena ha nga mayemo a kuyema fakuli SA BULELA MULENA KISONA, "Ni kaba ni mbututu." Na yema ni yena. Mukreste ufi kaufela a yema ni yena. Ne nili ni yena fani mioiko ya hae ha itaha. Ne nili ni yena ha na kambami fahalimwa lilundu, ku yo taleka Isaka. Ne nili ni yena totolo ha i bonahala.

⁹¹ Ne nili ni Josefa nako ya haniwa ki bahulwani ba hae, kakuli neli wa moya mi babañwi bani ne li ba nama fela. Ne ni li ni yena ha ziba maswabisa ana na ni kuyemela ka bahulwani ba hae. Sa nali sona, Ni cwalo ni na. Se Nili sona, nali sona ni yena. "Kakuli kaufela lu alimuñwi ku Kreste Jesu." Ne nili ni Josefa mwa liñope, libita. Ne nili ni yena nako yaya kwa lizoho la bulyo la Faro. No lukela ku zibahala ni yena.

⁹² Ne nili ni Jakobo busihu bwani nako ya lwana busihu kaufela ni Lingeloi. Ni lwanile nina, kasibili. Na ziba za na fitile kuzona. Kacwalo Na lwana ni Jakobo ka nako yeswana ya na lwanile, kakuli Ni muzwale wa hae.

⁹³ Ne nili ni Mushe nako yaya mwa Egepita. Ne nili ni Mushe kwa sicacani se si tuka mulilo. Haiba u Mukretse, u zibahala ni bona batu ba mwa Bibebe bani. Musike mwa libala cwalo! Ne nili ni Mushe sicaba kaufela ha si mu fetuhela. Ne nili ni Mushe nako ya siba Liwate Lelifubelu. Ha nanula lizoho ni kuya kwapili, mi Liwate Lelifubelu la kwaluha, Ne ni zibahalizwe ni Kreste ona fani, mi Ne nili ni Mushe ka hola yani.

⁹⁴ Kaufela sabile Mukreste, kaufela se ba bile balumeli, mulumeli ufi kaufela cwale u zibahazwa ni mutu yaswana yani. Kaufela seo sili sona, u swanela ku zibahala ni sona. Musike mwa libala cwalo. Ha mu ka libala, mu na ni amunezia ya moya buitibali; u libezi yo uli yena.

⁹⁵ Cwale ku zibahazwa ni yena, ni Mushe, nako ya sila liwate.

⁹⁶ Ne nili ni Elia mwa mazazi a Akabe, hane bana ni ku keta ye ba ka sebeleza, Mulimu kamba Baalami. Ne luli hamoho fa Lilundu la Karmele, ha na ezize keto yani, kakuli lu zibahazwa mwa Mubili wa Mulimu ya swana wa na zibahalizwe ku ona. Kacwalo haiba lu zibahazwa mwa Mubili wani, kipeto lu swanela kuhupula kuli neluli kwani ni yena. Yeo ki niti.

⁹⁷ Cwale, Ne nili ni Davida, nakoi ya haniwa ki bahabo yena. Ne nili ni Davida; nemuli cwalo, ni mina, haiba mu Bakreste. U na ni ku zibahazwa mwa kuhaniwa kwa hae.

⁹⁸ Ne nili ni bana ba Maheberu, mwa ondo ya mulilo osabisa, mi mu—mu mulilo no si ka ba cisa kabakala Kubateni kwa Muuna wa bune.

⁹⁹ Ne nili ni Daniele, mwa musima wa litau. Ne ni zibahalizwe kafani, nako yani Lingeloi la Mulena ha li zibahazwa kwani.

¹⁰⁰ Ne nili ni Yena luli fa Kalvari. Ni swanela kuzibahala ni Yena fa Kalvari. Ni swanela kubateni kwa sibaka sani, kuli, koo ne Ni si ka zibahala fela ni Yena fa Kalvari, Ne ni shwile ni Yena fa Kalvari. Mukreste kaufela u swanezi kushwa ni Yena fa Kalvari. Ha u sa shwi ni Yena fa Kalvari, haukoni kuba wa siemba sa Hae. Nenili teni nako Ya shwa. Na shwa ni Yena. Mi Ne nili ni Yena Ha zuha kwa bafu. Na zuha la Paseka kakusasana ni Yena, mwa zuho. Kaufela sa Na ezize, Ne nili ni Yena ona kwani; mulumeli kaufela nainzi ona cwalo.

¹⁰¹ Mi cwale Ni inzi ni Yena mwa Libaka za Mahalimu ku Kreste Jesu, mi mata a lihele kaufela a komilwe, ka Yena. Mukreste kaufela na inzi ka mukwa o swana, kakuli u swanela ku zibahazwa.

¹⁰² Cwale Ni ipumana kuli, mwa mazazi a maungulo aa, hamoho ni Bakreste babañata ba balumela, ba zibahalizwe mwa bulumiwa bwa Hae. “Yena wa swana maabani, kacenu, ni kuyakuile.” Ni ipumana, mwa lizazi le, kuli ni zibahala ka bulumiwa bwa Hae. Kikuli u ipumana ni wena kuba ya cwalo, unzo lumela cwalo, usweli kuzamaya ni bona? Mulemuhe, misebezi ya Na ezize, Na buleziki kuli mulumeli uka eza zeswana. “Misebezi ye Ni eza mu ka i eza ni mina.” Cwale kikuli u ka zibahala ni Yena nji? Mi cwale linyefulo ha li taha fa Linzwi, kikuli uka yemela kunyefulwa sina mwa Na ezelize, mwabona, ku zibahala ni Yena? Ne ni zibahalile ni Yena.

¹⁰³ Ne nili ni Yena ka Lizazi la Pentekota. Ne nili ni balutiwa fahalimu fani, na zibahala ni bona mwa kolobezo ya Moya o Kenile.

¹⁰⁴ Hanizibi haiba keleke haiba buitibali hahulu cwale kuli ha ba sa kona, babañwi ba bona, mane ha ba sa lumela haiba kuna ni nto ya kuli Moya o Kenile. Mwabona keleke fo se ifitile? Ki buino bobumaswe luli bwa buitibali! Mwabona, ba libezi kuli yani neli Jesu Kreste kwa mulaho kwani. Ba libezi seo Jesu Kreste na li sona. Ba libezi. Ba hupula kuli Na li fela mu—mu mufani wa mulao, kamba mupolofita, kamba mu—mu muuna yomunde. Ba libezi kuli Nali yena Mulimu. Ba libezi kuli Yena wa swana maabani, kacenu, ni kuyakuile. Mi ni keleke se i bile ni buino bo bu sabisa bwa buitibali bwa moyo. Ba libezi lika ze kaufela. Ha ba sa Li utwisisa niheba hanyinyani.

¹⁰⁵ Lu swanelu kuba ni balutiwa kwa Pentekota, lu zibahazwe ni bona. Ne ni zibahalile ni kutazo ya Pitrosi ka Lizazi la Pentekota, mwa Likezo kauhanyo ya 2. Ne ni utwile sa na bulezi. Na lumela sa na bulezi. Na utwela sa na bulezi. Cwale Ni zibahala ka nto yeswana.

¹⁰⁶ Musike mwa ba ni buitibali bwa moy. Kakuli, mukaba cwalo, mu ka zibahala ka nto yeñwi fela. Mupile hande ni Linzwi leo!

¹⁰⁷ Ne luli ni Keleke nako ye i tomwa ka Jesu Kreste, mwa Likezo, kauhanyo ya 16. “Muye cwale mwa lifasi kaufela, mi mukutaze Evangelii kwa libupiwa kaufela.” Ni bata ku zibahalela kwani, “Lifasi kaufela, kwa libupiwa kaufela.” “Lisupo ze li ka ya ni baba lumela,” baba kona ku zibahala ku zeo.

¹⁰⁸ Kihande, cwale, kana mwa zibahala ni zeo, kamba mu na ni buitibali bwa moy, kuli muipumana kuli ha mu sa lumela lisupo zeo kulatelela balumeli? Mwabona, ha u sa lumeli cwalo, kipeto una ni buitibali bwa moy, mwabona, u libezi kuli Mulimu u sepisize ona cwalo. Ki hali, “Lisupo ze li ka ya ni ba balumela.” Musike mwa libala cwalo. Hamukoni ku li libala ni kuba Mukreste hape. U swanelu ku zibahala ni zona.

¹⁰⁹ U swanelu ku zibahala ni Mulumiwa Joani kauhanyo ya 14, timana ya 12. “Ya lumela ku Na, misebezi ye Ni eza u ka i eza ni yena.” Musike mwa libala. Ha mu ka libala, kipeto muna ni buitibali bwa moy. U libezi yoo uli yena. U libezi bupaki bwa hao se bu talusa.

¹¹⁰ Kucwani he, ha Naize kuli, “Ha mu ina ku Na, ni Manzwi Aka aina ku mina, mwakona kukupa se mu bata mi mu ka si ezezw?” Kana u zibahala kulo kwani, ka kulumela kuli yeo ki Niti nji? Mareka 11, ha Na bulezi kuli, “Ha mu ka li kwa lilundu le kuli, ‘shenya,’ mi mu sa kakanyi mwa pilu, kono mulumela kuli se mu kupile si ka ezahala, mwakona kuba ni se mu kupile.” Kana wakona ku zibahalela kwani, ka kulumela kuli yeo ki Niti nji? Haiba ha ku cwalo, kipeto uba ni buitibali bwa moy.

¹¹¹ Mi—mi ulibezi, u latehezwi ki mayemo hande a Bukreste. Ha u sa ziba ko wela. U li, “Ni wa Methodist. Ni wa Baptist. Kona ze Ni ziba ka zona. Ni wa Pentekota. Ni wa *se, sani*, kamba *sesiñwi*.” Tokomela! Seo sikona katalusa kuli sisupo sa butuku saiponahaza ku wena, sa kuli una ni buitibali bwa moy.

¹¹² U li, “Kihande, Muzwale Branham, Na—Na lumela *se*, mi Ha—Ha ni koni mane . . .” Cwale libelela fela fa muzuzu. Haiba Mulimu na sepisize kueza lika ze, mi ali li kabateni mwa mazazi a mafelelezo, mane ni tuto ya hao ya litumelo i ka libeya kwahule ni wena, seo ki sisupo sesinde Na bona sisupo sa butuku ku wena. Ki buitibali bwa moy. U libezi ku itibahaza iliwena ni Linzwi.

¹¹³ U li, “Ha ni lumeli kuli bakuli ba foliswanga.” Una ni buitibali bwa moy.

¹¹⁴ U li, “Ha ni lumeli mwa kolobezo ya Moya o Kenile.” Buitibali bwa moy!

¹¹⁵ U li, “Ha—Ha ni lumeli kuli Mulimu u sepisize kueza lika ze mwa mazazi a mafelelezo.” Mi u teelelize kwa tuto ya litumelo, kamba tuto, mwa sibaka sa Bibele. Una ni buitibali bwa moy. Ha u zibi ko wela. U ipulela kuba, “Mukreste,” ni ku latula Linzwi. Ku ku kutisa kwa buitibali bwa moy hape, mwabona, ha uzibi fo u yemi. Una ni buitibali bwa moy. Ha u koni ku itibahaza ili wena ka Mañolo.

¹¹⁶ U na ni kuba ni balutiwa. Una ni kuba ni Mañolo kaufela, hamoho ni Keleke ha i lumilwe. Kono, cwale, nako ye i lumiwa Keleke, “Muye mwa lifasi kamukana mu kutaze Evangelii; lisupo ze li ka ya ni ba balumela,” yeo kona yeneli tumo ya yona. Cwale ba na ni . . . Yeo kona yeneli tumo.

¹¹⁷ Kono se ba bile ni buino bobu maswe luli bwa buitibali bwa moy, kuswana fela sina Eva mwa ba kenezi ku . . . yena, kutaha kwa mulaho mwa simu, zazi leliñwi. Cwale uswana sina Isilaele, ukula bona butuku bo buswana boo, ki ziyezi yezwile kwa micelo ya mwa mukopano wa za bulapeli kona ye ka kufa buitibali bwa moy. Uamuhele fela mucelo wa lituto za litapelo, mi uka kula ziyezi ya zona, mi cwale, taba yapili mwa ziba, ukaba ni buitibali bobumaswe maswe. Hauna ku lumela se ibulela Bibele kaufela.

¹¹⁸ Kona butata bwa keleke kacenu. Ki bona butata ha lu sa bi ni ancafazo kacenu. Kona butata bo buli ni sicaba kacenu. Babile hoholozwi fa mashala a yekauka ni lika zeñwi kaufela, hamoho cwalo ni mulao kaufela o lukela ku ndondoka, kufitela mane ha ba sa ziba bunde ni bumaswe. Kiniti. Ha ba sa hupula Mulena a bona. Ha ba sa hupula Linzwi la Hae. Ha ba sa hupula sepiso.

¹¹⁹ Bwani neli bona butata luli ni Isilaele, nako ya taha Jesu ku to iponahaza. Ne ba si ka hupula, kuli, “Mwalanjo u ka itwala.” Ne ba si ka hupula kuli Mushe naize, “Mulena Mulimu wa mina uka mi zuseza Mupolofita yaswana sina Na.” Nebana ni buitibali bwa moy.

¹²⁰ Kona ona fo luli keleke fo ifitile kacenu. Na ize, “Ku ka ezahala kuli mwa mazazi a maungulo,” kuli lika ze li ka nga sibaka, ze lubona zesweli kuezahala, mi keleke iina fela inge yeshwile sina twelufu kiloko. Kinto mañi yeo? Buitibali bwa moy. Lu ipiza luna bañi kuli ma Pentekota, mi lupalelwa kuitibahaza, mi lupalelwa ku itibahaza ili luna mwa Linzwi ha Li kutazwa mwa mata a kuzuha kwa Kreste; mi Yena uteni mwahala luna, inza lipeta cwalo, ni kueza ona cwalo handende sa Na bulezi kuli Lika eza. Mi, mutokomele, mulao waluna wa kopano kona o lu kenyize mwa buitibali bwa moy. Lwa nyanda. Ha lu zibi ko lu wela. Yomuñwi unga mapampili a hae kuzwa kwa keleke *ye* kuya kwa keleke *yeñwi*, ni keleke *ye*, ni mulao *wo* ni mulao *wani*. Mwabona?

¹²¹ Se lutokwa, hape, ki Amosi yomuñwi kutaha mwa sibaka, inza lwezi sa kuli SÀ BULELA MULENA KISONA. Kikuli ne lu ka mu amuhela? Sina mo ne ba ezelize. Ne ba si ka mu amuhela. Ne ba si ke ba mu amuhela kacenu. Na si ka kenya toho ya hae mwa sibaka, mane, na si ka kutaza. Cwale, yeo luli kona niti, kakuli keleke isweli ku katzwa ka buitibali bwa moy.

¹²² Cwale, kiñi? Mulimu sepe size mwa mazazi a fitile nyana, “Foo Mwana mutu ha ka patululwa,” kuya ka Luka, kauhanyo ya 17, “ka sisupo se ne si nga sibaka kwa Sodoma, li ka ezahala hape.” Mi sicaba si li boni ha li ezahala, mi mane babañwi babona ha ba li lumeli. Ba nahana kuli ki za kuikupulela fela. Ba nahana kuli ki moy wa diabulosi. Kñi seo? Ba katazwa ki buitibali bwa moy. Yeo ki niti. Ha ba utwisisi Mulena. “Jesu Kreste ki yaswana maabani, kacenu, ni kuyakuile.” Sa Na li sona nako yani, ki Sa li sona ni cwale.

¹²³ Kono, ze ezahalile, ha lu sa kona fela ku itibahaza ili luna ni Linzwi. Kiñi? Yona, ha izbi haiba ki ndu ya malobalo kamba ki keleke. Ha i lati kubizwa ndu ya malobalo, mi ha i koni kubizwa keleke; kakuli, kubizwa keleke, ika itibahaza ni Kreste. Seo si ifa buitibali bwa moy. Mi ha i lati kubizwa kuli sibaka sa malobalo. Konakuli ha ki keleke ya Pentekota, keleke ya Methodist, keleke ya Baptist; ki malobalo a ba Pentekota, malobalo aba Methodist, malobalo aba Baptist, kakuli i lati ku zibahala ni Linzwi. Mi cwale Linzwi ha li bonahalile, niteñi ha ba Li lumeli. Ki butuku, buitibali bwa moy. Habakoni ku itibahaza; ha ba zibi ko ba wela. Yeo kona niti.

¹²⁴ Kinto yeswana fela ni kuzwakanisa sika. Sina ha Ni bulelanga kamita kuli, “Ne ni hupulanga kuli sika se si zizilika hahulu mwa butimbi ku ze Ni kile nabona fateni ki mule.” Mwabona, ki ya mazwake. Mwabona, mahe neli mbongolo ya sitole, ndatahe nali tonki, mi mane ha zibi kuli uwela kai. Mi taba yapili mwa ziba, mwa—mwa—mwa—mwa kona ku i zwakanisa ni ku tonki, mi cwale...kamba kuba ni mule, kono haili mule haikoni ku ipepa ili yona hape. Mwabona, ha ikoni. Hakuna se mukona ku iluta. I tile toho. Hamuna kubulela sika... Mwakona ku ihoha kwa bizebe byebitelele byani. Mi ika libelela kuisa lizazi le li sa zibwi la bupilo bwayona, kuli i ku lahe mulezele. Ku felile. Ilubelelanga fela sika kuli i ku nate ka sona, haiba i koina.

¹²⁵ Mi seo si ni beya mwa munahano wa babañata baba bizwa Bakreste ba mazwake. Ba zwakanisize keleke kufitela ba kulile butuku bwa buitibali bwa moy. Hakuna se ba kona ku pepa hape.

¹²⁶ Ba bulela za mbonyi ya mazwake. Mbonyi ya mazwake hakuna seili sona. Ki nto yemaswe hahulu ze mukona kubeya mwahanu, sika sa mazwake kaufela. Kona ze mungelanga lipalisa za kufafaleza milyani zee, mi sicalo sa mazwake, ni ku si

fafaleza ni ku si babalela inge mbututu. Kiñi? Kakuli habakoni ku tutulanga kwateni likokwani nako kaufela.

¹²⁷ Kono haili ya niti, ye imelezi hande, hamu lukeli kusaelaela fateni milyani. Ina ni Mata mwahala yona, kuli likokwani li si ke za lula kuyona. Kona ze lukela kubateni kuli likokwani za ku sa lumela libe kwahule ni mutu yatezi Moya.

¹²⁸ Munge mule ya kale, mi mu yo ambola ni yona, muli, “Wena, mushimani, Ni bata kuli ueze *se, sani.*”

¹²⁹ I ka ina fela fani, “Haw! Haw! Haw!” Bizebe byebituna byani inge bi bapuka fahalimu ni fasasi. Ni boni ba—ba Bakreste babañata baba cwalo, mo ba ipizeza.

¹³⁰ Mu li, “Jesu Kreste wa swana maabani, ni kuyakuile. Lisupo ze li ka ya ni ba ba lumela.”

¹³¹ “Haw? Ni lumela kuli mazazi a limakazo a felile. Haw? Haw? Haw?” Mwabona, ha zibi za lumela. Ha kuna ze i ziba. Ha i zibi ko zwelela; ha i zibi ko i ya. Ina ni buitibali bwa bu mbongolo. Ha zibi kuli izwile kai, mi haikoni kuzwelapili hape.

¹³² Kono Ni lata ye pepilwe hande. Oh, yona ki ye musa. Mwakona ku i bulelisa. Ya ziba ndata yona, ni maa yona kuli neli ufi, ni kuli kuku wa yona wa muuna neli mañi ni kuku wa yona wa musali. Ina ni mapampili apaka buino bwa yona sakata ko izwelela.

¹³³ Mi Ni lata Mukreste tenyene luli, yakona ku zamaya musipili kaufela kukutela kwa Linzwi la Mulimu, kwa lizazi la Pentekota, ni ku itibahaza ili yena kwani ni balumeli, ko Mata a Moya o Kenile a ba tahela fahalimu. Yoo ki yena Mukreste tenyene. U ziba kwa zwelela. Ha zibahali ni ba Methodist, Baptist, kamba hakuna ni zeñwi hape. U zibahala fela ka Linzwi la Mulimu. U ziba handende fa yemi. Mali a Silena a Ndate abuba kuu yena; Mali a Jesu Kreste. Wa ziba Sa eza! U lumela Linzwi kaufela. Mulimu ubeleka ka yena ni kupaka cwalo ka lisupo za Na sepisize kuli lika latelela. Yena hana buitibali bwa moyo. Ki yena ya pepilwe hande ka mali asina mazwake. Na lata cwalo.

¹³⁴ Kono hali keleke kacenu ina ni buino bo bumaswe ka butuku bwa buitibali bwa moyo. Ha i zibi ko i wela. Se i libezi za Teni kaufela, ilibezi lika ze kaufela ze i eza kuba Keleke.

¹³⁵ Kiñi se si lu fumisize cwana mo luinezi? I fitile mwa sibaka sa Laodesia hape, ku kutela mwa sibaka se si fumile sani sina Isilaele mwana bezi. Ha ne ili ye shebile ni kusepa Mulimu ka lika kaufela ze ne ikona kuba ni zona, kaufela zene inani, ne i sepile Mulimu; mi Mulimu nali ni yona, mi neli ya moyo, ni kuzwelapili. Kono ha i to fuma, ze kona ze ne ezahalile: mileneñi ya bona ya yahiwa, ni bahame ba bona batokwa buiswaloo, baana ba bona ba li lumeleza, bakutazi ba bona ba tuhelela mayemo kuwela fasasi, mi ba nyaza bapolofita. Mi wani kona mufuta

o bafitile kuona. Kona se ne sitisize cwalo, ba libala ko ne kuzwelela limbuyoti zani.

¹³⁶ Mi mina ba Methodist, ni mina ba Baptist, ni mina ma Presbyterian! Mina ba Methodist mwa hupula John Wesley. Mina ba Baptist! Mi John Smith a lila kabakala buino bwa sicaba kufitela musala hae a muisa kwa tafule, meto a hae a lulula mane akwahela, bakeñisa kulila ni kulapela busihu kaufela. Ki butata mañi?

¹³⁷ John Wesley naize iliñwi ya lika zetuna zani... Ni lumela kuli neli alimuñwi wa bashemi ba kale ba Methodist yana ize, "Maswabisa a bana ba basizana ba keleke ya ba Methodist, na kalisa kuba hahulu ba bulifasi, ne ba tina masale kwa minwana yabona." Kiñi sa na ka bulela cwale, ni maputula a hae?

¹³⁸ Kiñi se si ezahalile? Buitibali bwa moy. Kiniti ku cwalo, u libezi ko zwelezi. U na ni zeo kaufela kakuli swalelo ya Mulimu, bunde bwa hae kona bo bu li ezize kuwena.

¹³⁹ Kikuli mu nahana kuli ye kinto yetata? Kaniti i zamaelela hande ni Moya wa Jesu Kreste, ki bupolofita. Mwa Sinulo, kauhanyo ya 3, iize, "Kakuli wena ubulela kuli, 'Ni fumile, hakuna se Ni tokwa,' kanti ha u zibi kuli u mubotana, u sibofu, u nyandile, u mwelwa, u mapunu, mi ha u zibi" Mwabona, ha u zibo! Kiñi seo? Buitibali bwa moy. Ha ba zibi cwalo.

¹⁴⁰ Likeleke li na ni—ni masheleñi cwale. Hakuna keleke, mane, mwa na, kopano ya puteho, kono ki se si fita ma milioni ku alulwa ni ma milioni a madollars. Kuyaha madollar a likana ma milioni ni ma milioni mwa miyaho ni lika zeñwi, ni kukutaza za Kutaha kwa Mulena kuli ku sutelezi. "'Bufumu,' mi ali, 'Hakuna se ni tokwa.'" Bakutazi babande baba itutile bo ne banani fateni, ba ziba hahulu za bulapeli kufita ze ne baziba sapili. Mi bana ni miyaho yemituna luli, libaka zende luli ze ketilwe mwa na. Bana ni tukelo kwa sika kaufela se ba bata kueza. Mi cwale kiñi se ne ba ezize? Ba to kena mwa buitibali ni kulibala kuli neli Mulimu ya na ba ezelize zona, inge fela Isilae.

¹⁴¹ Mi Bibele i polofitile, Jesu Kreste na lumile lingeloi la Hae ku Joani mi ali, lusika lwa keleke ya mafelelezo ye ikaba ni buitibali bwa moy. Ne ba "ziyelehile," muhupule. Ba nahana kuli ki babatuna. Ba nahana kuli bana ni sesiñwi. Kono Na bulezi kuli nebali "baelwa, kuziyeleha, kunyanda, libofu, mapunu, kono ne ba sa zibi." Mi hakuna nzila ya ku libulela ka yona.

¹⁴² Cwale, haiba mutu na kaba fande mwa mukwakwa, inza swabile, kamba musali, yainzi mapunu, mwa mukwakwa, sibofu, yeo ikona kubonahala bumaswe kuli abe cwalo. Kono kanti haiba ki ya nahana hande, ni kuziba kuli u cwalo, kuli ki mutu fela, mi u lukela kutina liapalo; kihande, zwela fande kanti; ki mutu—mutu fela, u swanelia kuba mwa lusika lwa batu; mi fande fani, "u ziyelehile, u nyandile, ki sibofu, mi umapunu." Mi ha u ya ku yena, uli, "Muzwale, u mapunu."

¹⁴³ “Cwale, fa! Kina Dokota wa *Kuli-ni-kuli!* Wena tokomela fela za hao. Na ku bulelela, Ni wa siemba sa *Kuli-ni-kuli!* *Hauna* musebezi wa zeo, wena mupikuluhi ya kenile tuwe, ku ni bulelela zeo!” [Hakuna manzwi fa tepu—Mu.]

¹⁴⁴ Mubulelele kuli, “Ku maswe kuli muuna aeze ze, mi sicaba kuli sieze lika ze basweli kueza zeo.”

¹⁴⁵ Mi ba ka ku zibisa kuli mukutazi wa bona una ni ngana luli. Mwabona? Kinto mañi yeo? Kikuli, u libezi litaelo za Mulena Jesu. Mi mu Mu lumeleze ato eza lisupo ni ze komokisa za Na eza ha Na ize U ka eza, ha ba lati ku li lumela. Ki buitibali bwa moyo. Mwabona, ba libezi! Mi ba mapunu, mi ha ba zibi cwalo, ha ba lemuhi mane.

¹⁴⁶ Ba nahana kuli, “Bakeñisa fela kuli Ni wa siemba sa keleke, kona fela ze li butokwa.” Oh, muzwale, zeo hakuna ze litalusa ku Mulimu sina Muyahi kwa sika kaufela, kwa muyaho ufi kaufela wa malobalo. Kuba wa siemba sa keleke, seo ha si talusi sika ku Mulimu.

¹⁴⁷ Mu lukela kuba bana ba bashimani ni basizana ba Mulimu. Mu lukela kupepwa sincia ka Mulimu, mi Mulimu ki Linzwi. Mi ha Ni ba wa siemba sa bondate, Ni bile kaufela zeli ku bondate. Ha u ba siemba sa Mulimu, u ba Mulimu, mwa mutalelela. Linzwi la Hae kaufela, wa Li lumela kamukana a lona.

Buitibali bwa moyo!

¹⁴⁸ Kucwani haiba no sa zibi kuli libizo la hao ki lona mo liinezi cwalo? Mi haiba kiwena, no ka zwelela kwa lubasi lolunde, ko Ni sepa kuli mane kona kozwelezi, haiba u zwa kwa lubasi lwa sicaba sesinde, mi kucwani haiba u libala libizo la lubasi lwa henu, mi uwewa fande kwanu, upila fela ka kuswabiswa? Ba li, “Hanili libizo la hao ki wena Jones,” kamba seo sili sona kaufela. “Kihande, Ha ni zibi kuli ki Na mañi.” Mwabona? Ku lukile, mwabona, yeo ki nto yemaswe kuba cwalo, ki buino bo bumaswe kuba kubona.

¹⁴⁹ Kihande, ona foo kona fo se ifitile keleke. I swanelia kuyemela Jesu Kreste. Kono i libezi zeo, kakuli ifitile fakuli, ikenyize zeñwi ku yona, lituto za litumelo ni likopano, kona ze ba amuhezi mwa sibaka sa Linzwi. “Mi ba mapunu, ki libofu, banyandile, mi ha ba zibi,” mi hakuna mukwa wa kuba bulelela ka ona.

¹⁵⁰ Hakulata ha nikoni kuba mwa Birmingham hape, kono ye ki nako yapili ye ba ka liutwa. Mwabona? Mwabona? Kiniti. Na fela . . . Hakuna musebezi usili onisweli konji kucala Peu. Mulimu ki yena ya I kenya mwa mubu mo I swanelia kuya.

¹⁵¹ Balibezi, eeni, ba libezi Linzwi la sepiso. Ne ba libezezi. Isilaele nali mwa butata bwani nako ya taha Jesu. Ne se i libezi. Ba talima, oh, ba bulela kuli neba lumela kuli kutaha Mesia. Kono cwale Mesia a yo taha ni ku itibahaza ili Yena ka Linzwi,

ne se ba bile ni lizo zeñata luli kufitela baeza Linzwi la Mulimu kutokwa mata.

¹⁵² Mi Jesu a sepisa, nako i si ka fela kale, “Mo ne kuinezi mwa Sodoma, kona mo ku ka bela.” Mi li ka zibahala, mi sicaba sikenimahulu mwa sizo kufitela baeza sepiso ya Mulimu kutokwa mata, ka sizo sa bona. Buitibali bwa moy! Buitibali bwa moy kona se buli sona luli. Mwabona, ba libezi litaba zee.

¹⁵³ “Oh, Ni wa siemba se. Ni—Ni ezize se. Ni binezi mwa Moya. Ni ezie se.” Kihande, mawi, mawi, zeo halina sakue sa kueza ni zona, niheba hanyinyani.

¹⁵⁴ U kona kuba cwani Mukreste ni kulatula Linzwi? Haukoni kueza cwalo. Mulimu ki Linzwi. Haiba Linzwi li ku wena, wena ni Linzwi mu nto iliñwi. Kaufela seo Linzwi lili sona, u cwalo ni wena. Amen. Haiba Ni pila mwa lusika lo, seo siemba sa Linzwi le lisepisize lusika loo, Ni lukela kuba ona seo. Haiba Ni ka ba Mukreste, Ni lukela ku zibahala ni kaufela ze i kutaza Bibele ni ze iyemela.

¹⁵⁵ Haleluya! Mu ka ni biza mupikuluhi ya kenile, nihakuli cwalo, mi Ni ikutwa kuba wa bulapeli fela ona fa cwale. Eeni, sha.

¹⁵⁶ Ni swanelu kuzibahala ni lika kaufela ze ibulela Bibele. Mi Ifa lipulelo za yona, mi, haiba ha Ni si ka nativa ki moy wa buitibali wa kacenu wo, Ni kaba cwalo mi ukona kulemuhiwa ka Ona. Haiba Ni U latula, kipeto Ni na ni buitibali bwa moy; kuna ni se si ezahalile, Ni amuhezi tuto ya za tumelo kamba tuto, kamba keleke yeñwi kamba sikuwata sa batu. “Hanikoni kueza cwalo,” ki fo Linzwi ha litaha ku to I tibahaza ili lona.

¹⁵⁷ Kona Jesu ha na si ka lemuhiwa. “Oh,” ba li, “kihande, muuna yo u kenile, mi muprisita wa luna ya kenile, ya kenile wa luna wa *kuli*.”

¹⁵⁸ Mi Jesu naize, “Muzwa ku ndata mina, diabulosi, mane misebezi ya hae ki ye mu ka eza.”

¹⁵⁹ Kana mwa ziba kuli Kaine nafile sitabelo sesinde, ni yena? Na sephahala, ayaha aletare, akubama, ni kufa sitabelo, ni kulapela ku Mulimu. Mi haiba, Mulimu, kona fela za bata Mulimu, kuli mu be wa siemba sa keleke ni kuba ni aletare, ni kulifa zabulishumi ni kuya kwa keleke, ni kupila bupilo bobunde; haiba zeo kona fela Za tokwa, Na kaba wa saluluti kuatula Kaine, kakuli na ezize nto yeswana. Eeni, sha. Yeo ki niti luli.

¹⁶⁰ Kono *bulapeli* butalusa “siapalo,” mi haukoni ku apeswa ka misebezi ya hao yeminde. Kuna ni fela nto iliñwi yeo Mulimu akona ku amuhela, mi yeo ki ka Mali a Jesu Kreste. Yeo kona fela nto inosi ye apesa. Kwande a Seo, haiba mu li, “Buluka tuto ya tumelo,” buitibali bwa mwa moy! Kona ze ne ezahalile.

¹⁶¹ Cwale mulemuhe, ba libezi Linzwi la bona. Ba libezi Bibele. Ba libezi sepiso. Ba lika kupila mwa mbengenge ya ba Methodist mo ne ibezi, mo ne ibezi ya ba Baptist, seo mutu usili fela nali sona. Kiye sepiso ya kacenu, mi Mulumu u Li bulela ka Linzwi la Hae, mi kuyemela taba yateni hape ni kubonisa kuli Kona mo kuinezi cwalo, mi ni cwale ha ba Li lumeli. Buitibali bwamwa moyo! Yeo luli kona niti. Luli, ki buitibali ka kufelelela, kiniti luli ha ba Li lumeli niheba hanyinyani.

¹⁶² Musole wa mu French. Ne ni bulelezwi likande nyana; lu si ka kwala kale. Ha ni si ka ziba kuli mane nako seifelile cwalo, mi Ni sa na ni makepe a lishumi a ñozwi fa a sa ziyezi; lu ka litalima nako yeñwi. Mulemuhe, musole wa mu French. Ba beya masole babañata kwapili a mpi, mi ne ba katazwa ki buitibali. Butahanga ka nyungano, yezwile mwa ndwa. Mi nebana ni mukoloko, mi ba—ba babiza batu bene batobezwi ki balatiwa ba bona kubiza ni kubona haiba ne ba ka ziba bashimani bani. Kusina sepo ka bona, mwendi alimuñwi kamba bababeli, kuzwa kubona, ne ba lemuhile. Mi cwale banga babañwi ba bona, ne ba ka yo ba beya mwa muyaho wa baba lyangani bakeñisa kukula nako yetelele, mo ne ba ka pila bupilo bwabona kaufela.

¹⁶³ Ne ba ya inge ba kambama neku la lilundu, inge bataha ka sitima; mi ba yema fa sitishini, balumeleza bashimani kuzwela fande kuli ba otolole kwatene mahutu. Mi balibeleti ba zwela fa lilundu, ku yo ba tokomela, bakeñisa butuku bwa buitibali, kiñi, neba—neba na ni kuba tokomela.

¹⁶⁴ Kacwalo ba tokomela mutangana yomuñwi kwani, a zwela fande ni kukala kutalima kwa ni kwa fa mungomo tuna wa mezi wani, atalima lilundu lani kaufela. A itiinya mwa meto, mi abala. A talima hape, mi abona mungomo wa mezi wani. Atalima maneku kaufela fa sitishini sani, mi akala kuzamaya. Kufita kuli mulibeleti a mu hanise, a mu latelela.

¹⁶⁵ Aya fahalimwa lilundu, ashetumuka mwa kanzila nyana, afetuhela kwa silyo ni kuya hape kupahama kalundu kakañwi, ni kutaha fa kandu nyana ka mabala. A talima. Teñi mwani mwa malibela, kwa zwa muuna muhulu ni mulamu mwa lizoho, a zwa ni ku to mu kumbatela mazoho. Ali, “Mwana ka, Ne ni ziba kuli uka yo kuta. Ne ba ni bulelezi kuli u shwile, kono Ne ni ziba kuli no ka kuta.” Mi mushimani yani a to ikupula. Mi buitibali bwa mu siya. A ziba cwale yo nali yena. A ziba kuli bani neli bo ndatahe.

¹⁶⁶ Oh, musole wa Sifapano, wena ya sa ziyelizwe hahulu ki lituto zetuna, ki zeñata hahulu ze ziyeza za lituto za likopano, ni lika za lifasi, kiñi kanti ha u si ke wa tuluka hanyinyani fa mizuzu yelikani ni kuyo talima talima mwa Bibele? Wakona kuzamaya kwa ni kwa, mi ukasana wa ipumana u swanile Linzwi, sina mulumeli, leliñwi la mazazi aa. Hakulata ha u Mu zibi. Wakona ku itetulula, sina mwana wa litaswa mwa na

ezelize, mi wa itebuha ili wena. Wakona kufumana zibahazo ya hao mwa Manzwi a Mulimu.

¹⁶⁷ Yomuñwi nabulezi, zazi leliñwi, ha ki kale hahulu, ali, “Kono Muzwale Branham, talima luna sicaba sa Pentekota, bunde likeleke ze lunani. Kiñi, luna, luna ni babuleli baba lutilwe.”

¹⁶⁸ Amuteeleze, muuna ha nyala musali, ha sepi mwa bunde bwa musali. Batili. U sepile mwa buishuwi bwa buitamo bwa hae, manzwi a hae. Ha sepi mwa bunde bwa hae. Muuna usepile kuishuwa kwa musali.

¹⁶⁹ Mi cwalo kona mo kuinezi ha u nyalwa ku Mulimu, hauna kusepa keleke yeñwi yetuna yo kona kuyaha, kono ki mwa sepiso ya ezize Jesu Kreste, kuli, “Ni yaswana maabani, kacenu, ni kuyakuile.” Kana mwa lumela cwalo? [Puteho ili, “Amen.”—Mu.]

Ha lu inamiseñi litoho za luna fa nako nyana.

¹⁷⁰ Ha ni zibi, busihu boo, mwa tuyaho mo kokuinzi sicaba, mo kuna ni baana ni basali baba Kuyakuile, ki batu ba ba libile kwa Kuyakuile, mi muziba kuli zazi leliñwi u ka yo kopana ni Mulimu. Mi ha Ni zibi haiba ukaba ni bupilo nyana bwa buitibali, mi ukona kubeza... U zibahalezi mwa sika se si maswe, mi ukona—ukona kutabela kuyambaela nyana cwalo, busihi bo, mi u bone haiba haukoni kuzibahala ni Kreste Jesu? A ku nanule lizoho, uli, “Ni lapelele kwateni, Muzwale Branham, Ni—Ni bata ku zibahala kuba Mukreste wa niti, mulumeli wa niti.” Mulimu aku fuyole. Mulimu aku fuyole. Mulimu aku fuyole! Oh, ee, kwa mulaho kaufela. Mulena aku fuyole.

¹⁷¹ Yomuñwi fahalimu foo, u li, “Muzwale, Ni lumela kuli yeo luli ki Niti. Na lumela, sina Bakreste, ha lu Bakreste inge mo ba belanga lilimo za kwa mulaho.”

¹⁷² Kucwani ku mina sicaba sa ma Pentekota, fani boma mina ni bondata mina ha ne bawzela mwa mikwakwa, ni kuliza kambuli. Mi bomaho, mo ne ba evezanga... ne ba katalanga, ni kuikataza ni mina bana ba banyinyani. Linako zeñwi no zamayanga usika apala litino, ni lika zeñwi kaufela, kono bondate ni boma ne ba sephala kwa Musebezi, wa ku kumalela ku Kreste.

¹⁷³ Amutalime mina sicaba sa Mapentekota ze ne muezize. Myaha ye mashumi aketalizoho kwa mulaho, mwa zwa mwa kopano. Kona se si eza mina ba Pentekota, mu ikabile ku baba sa lumeli. “Mi sina kulube mwa sileze, ni njia kwa mataza a yona,” mu kutezi kwa mulaho luli ni kueza ze swana, mwa eza mafosisa a swana mo ne mu zwile. Ki butata mañi? Buitibali bwa moya butaselize mwahala sicaba. Muna ni lituto za mina ni mapampili a likopano za mina cwale, mi mane se mu ile fela hamoho ni ba bañwi kaufela. Mu lumelelize bahame ba mina kukuta milili yabona, kuipentaka. Mina, mu ba lumeleza kueza ona lika ze kaufela, musweli kulumeleza mikwa ye kaufela mwa—mwa likeleke. Kinto mañi yeo? Ki buitibali bwa mwa moya.

¹⁷⁴ Mi, taba yapili mwa ziba, Mulimu ha kala kupotela sicaba, kipeto kuezahala sikamañi? Hamukoni ku u amuhela. Mwabona, mukulile hahulu ka buitibali, mwabona, kona nto inosi fela yemukile mwa utwa. Kikuli ha muboni kuli muswanela kutuluka fa tuto ya litumelo yeo fa mizuzu nyana ni kunga Bibele, ni kubona seo Mukreste aswanezi kuzibahala ka sona? “Lisupo ze li ya ni ba ba lumela!”

¹⁷⁵ Likezo, Pitrosi naize, “Mubake, mañi ni mañi wa mina, mi mukolobezwe ka Libizo la Jesu Kreste kwa swalelo ya libi, mi mu ka amuhela mpo ya Moya o Kenile; kakuli sepiso ki ya mina, ni bana ba mina, ni babali kwahule kaufela, mane ni be Mulena Mulimu wa luna uka biza.” Ha ba mi bulelela kuli ha Ki cwalo, kipeto mukutazi wa hao u kulile hahulu butuku bwa buitibali bwa mwa moyo. Hakoni kuipumana ka kuzibahala ni Keleke yani; isiñi kopano; ki Keleke, Mubili wa kunutu wa Kreste.

¹⁷⁶ Cwale Moya o Kenil uteni mo. Uteni mo ku to eza handende sa Na sepisize. Cwale hamunze muli mo ni litoho za mina ze inami cwalo, muzwelepili fela kulapela. Mulumeleze Moya o Kenile ubulele, ona Kasibili. Mi mubone haiba . . . Mutu kaufela uziba ona cwalo, ki sepiso, se i yemela mwa lizazi le. Cwale mina baba tokwile, busihu cwana, mina, buñata bwa mina mu nanuzi mazoho a mina. Musika eza kale cwalo . . .

¹⁷⁷ Ha ni zibi, halunze luli mo cwana ni kulapelela hande bakuli, Ha ni zibi haiba mukona kuba kwahule ni ku sa lumela koo, kopano yani, tuto ya tumelo yani, ye ku bulelela litaba zeo kuli ha li cwalo, ye ka ku bulelela kuli Yoo ki diabulosi. Ha ba eza cwalo, “Habana ku swalelwaa, mwa lifasi le kamba lifasi le litaha.” Kucwani haiba Ye ki Niti? Munahane fela, kucwani haiba Ki yona, kipeto mu kai? Mwabona, ha mu lukeli kubulela; mulumele fela mwa lipilu zamina. Mi kuna ni batu mo baba lumela cwalo. Ni ikinezi ona mo, ka masihu amabeli afitile, inge ni katazeha ka taba yeñwi, fela, mawi, kuikwica ni kuswala kuluma lulimi lwaka, kuli ni si ke na i bulela.

¹⁷⁸ Mi hupula, mulikani, ki mwahala hao ni Mulimu. Kucwani haiba li fosahalile, mi wena unahana cwalo? Wa ziba ze ne ezahalile, hauna ku swalelwaa ka zeo. Buitibali bwamwa moyo, u ka yo kenelela fela mwa lifu la hao la Kuyakuile, kusalumela. “Ya sa lumeli sa atuzwi kale!”

¹⁷⁹ Cwale amu lapelele matuku a mina, muli, “Mulena Jesu U sepisize. Na . . .”

Kwakona kuba baenyi babañwi mo, baba si ka ba kale mo fateni.

¹⁸⁰ Jesu na sepisize kuli, “Mo ne kuinezi,” Ni ka nga Liñolo, “mwa mazazi a Lota,” fa na bonahalezi Mulimu mwa nama; ni sicaba, Abraham, sikuwata se si ketilwe, sikuwata se si bizizwe. Mi libizo la Abrame la cinciwia kuba Abraham, mi abona

Linzwi le li ezizwe nama, mi La lemuha milelo yene li mwa pilu ya Sarah.

¹⁸¹ Mi cwale Peu ya Silena ya Abrahama ha itaha, kona sa Na ezize, mi ba Mu biza kuli “diabulosi.”

¹⁸² Mi ali, “Cwale Moya o Kenile ha utaha, u ka eza taba yeswana.” Ali, “Cwale yeo ki swalelo ha mu Ni biza cwalo, kono, ha mu bulela ka kunyefula Moya o Kenile, hakuna kuba swalelo.”

¹⁸³ Cwale Yena he, mwa Mata a Hae, atahe mwa sicaba se, kaufela fo muinezi, mi ni ka temuho ya Hae ya moya kubonisa kuli ki Yena Linzwi. Ili kuli haiba kuna ni ya kula butuku bwa buitibali mo, yoo asike aba ni . . . buinyazo ni bo bukana, ku si ka fiwa kale pizo ya kutaha kwapili.

¹⁸⁴ Mi Mulena Mulimu atuse. Cwale ka litoho za mina ze imani, ka likute mulapele.

¹⁸⁵ Mwabona, kuna ni kalibe yainezi fapila ka fa. U ikwahezi mazoho kwa sifateho. U katazwa ki lisapo la mongola. Mi hape una ni ku ikalelwa hahulu. Una ni butata bwa mwa mba. Mi uinzi fapila ka fa cwale. Mi hakulata wakona kuziba, ha zweleli mwa naha ye. U zwa kwa muleneñi obizwa Macon. Eeh. Kikuli ulumela kuli Muliukona ku ni bulelela libizo la hao? Ki wena Ma Ayers. Haiba yeo ki niti, nanula lizoho la hao. Na ni muenyi ku wena. Yeo ki niti, nji cwani? Cwale butata bwa hao bufelile. Jesu Kreste; u sweli kwa mungundo wa Hae. U ku folisize. Cwale u lumele cwalo.

¹⁸⁶ Kuna muuna yainezi kwa mulaho wa muyaho. U bata kolobezo ya Moya o Kenile. U bata kolonezo ya Moya. U yemi fapila ka. Ha zweleli kwanu, mane. U zwelela kwa Carolina, Charlotte. Lepoe kona libizo la hae. Lumela ka pilu ya hao kaufela, ni Mulimu uka ku taza ka Moya o Kenile, mu—mu muzwale waka, haiba fela uka lumela.

¹⁸⁷ Fa, kwa neku laka la bulyo, fa kuna ni—ni muuna ni musala hae babainezi hande fapata kuna faa. Ki basupali baba nyalani, kwa neku laka la bulyo. Kalibe ukatazwa ki butuku bwa lubete. Muuna hae una ni butata bwa pilu. Ha ba zwi kwanu. Ba zwelela kwa Tennessee. Bo. mutu ni musala Bo. Thomas, haiba mu ka lumela ka lipilu zamina kaufela, amu nanule mazoho ni kuamuhela foliso yamina. Jesu Kreste u mi folisize. Kona sa Na sepisize kueza ona seo. Kono Ha li kuba nibone sicaba se mwa bupilo bwaka.

Buitbali bwa moya!

¹⁸⁸ Jesu naize, “Misebezi ye Ni eza mu ka i eza ni mina. Fa nako nyana, lifasi halina ku ni bona; kono mina mu ka Ni bona, kakuli Niya,” tulokandina twa mutu, “ni kaba ni mina, mane mwahala ku mina, kuisa kwa mafelelezo a lifasi.” “Jesu Kreste wa swana maabani, kacenu, ni kuyakuile.”

¹⁸⁹ Cwale, kwa baana ni basali mo, babana ni fela nto yeñwi yefosahalile ni mina, kuli hamuboni fela... Wena, wena ubata kulumela, kono ha ukoni fela kukena kuzona, mi utabela ku lapelelwa, ubata ku Mu amuhela ha uli mwa Kubateni kwa Hae, taha u to yema ni na kwanu, ni ku lapelele ni kukubeya mazoho fa halimu. Haiba utaha kwanu cwale, wena yasweli kunyanda cwalo, ni butuku bwa buitibali bwa moyo, mi ha u lati kulapelelwa, kuli u lukuluhe, ku seo. Haiba wena u—u mulumeli, kono u bata kulapelelwa, taha kwanu u to yema fa. Mulimu aku fuyole, mutangana tuwe. Ku sa na ni yomuñwi yataha? Mulimu aku fuyole, kalibe. Taha. Mulimu aku fuyole, kalibenyana tuwe. Yomuñwi hape yataha? Taha, u to yema fa, ona fa cwale.

¹⁹⁰ Buitibali bwamwa moyo, Ha ni lati ku natiwa ka bona. Mulimu wa hanisa. Halu—halu boneñi ni shwe lifu la—lifu la sika kaufela, kono ni si ke na shwa lifu la ya sa lumeli.

¹⁹¹ Amutahe, mu Mu amuhele cwale. Nji hamulati cwalo? Mutahe muzwe, ni kutulukafafasi kuzwa fahalimu foo, balikani. Ki mihato fela yelikani kutaha fasasi fa, mi ikona katalusa shutano mwahala lifu ni Bupilo, ku wena.

¹⁹² Mutualime Na hanikoni kueza kuli Kreste aeze sika. Kreste ha lukeli kueza sika konji nto iliñwi fela: Una ni kubuluka Linzwi la Hae. U swanela kueza cwalo ili kuli abe Kreste, abe Mulimu. U swanela kubuluka Linzwi la Hae.

¹⁹³ Cwale muhupule, haiba u sa kakanya ka kutwisiso ya hao, kiñi ha u si ke kutaha cwale. Haiba u wa siemba fela sa kopano, haiba u muikulu wa Pentekota, Mulimu hana baikulu. Una ni bana babashimani ni basizana, kono isiñi baikulu ba bashimani ni -basizana. Mwabona? Mulimu haana ze cwalo. Una ni fela bashimani ni basizana, mi uziba kuli ha u cwalo.

¹⁹⁴ Mwendi u bulezi ka malimi, hakulata u kile wabina fateni, hakulata u kile wa eza *se*. Zeo ki zende. Hanina ze ni nyaza ka zona. Kono ni teni u sa eza za buitibali bwa moyo zeo, tuluka utahe, mi utahe kwanu ni kuyema fa. Lu to lapelela fateni. U bulela sikamañi? Membala wa keleke, yali fela—yali fela membala wa keleke, kiñi ha u sa tuluki utahe mi lu felise zeo ona fa cwale?

¹⁹⁵ Ha ni lati kusiya Birmingham ye, kono inge ni ziba kuli zazi leliñwi, Katulo ha i ka taha, mi Ni lukela kuyo yema fapila mina... Muhupule kuli, Ni ka yo mi katana hape. Haiba Ni sa mi boni mwa neku le, kamba Ni ka yo mo katana kwa Katulo mi Ni lukela ku yo ikalabela ka se Ni bulezi busihu boo.

¹⁹⁶ Cwale amuteeleze. Mubake, balikani! Muzwe ku zona. Zwa mwa lika zeo. Taha cwale.

¹⁹⁷ Seo si lukela kueza kuli musali kaufela ya kukuzi milili mwa naha mo, kamba mwa sibaka se, atahe kwanu cwale. Yeo luli kona niti. Foo, fo ki hausina muhau o swanela wa kubulela kuli, "Ni—Ni—Ni—Ni bata ku, Ni bata kutuhela milili yaka ihule,

Muzwale Branham.” I swanelia . . . “Nina ni . . . Kihande, Hanina muhau wa kueza cwalo.”

Kiñi, u li, “Kana seo si na ni sa kueza ni sona?”

¹⁹⁸ Kwanu ha ki kale hahulu, mukutazi yakutekeha natile ku na, mi ali, “Ni bata kuku beya mazoho, Muzwale Branham.” Ali, “Mañi ni mañi ukutalima kuba mupolofita.”

Se nili, “Na li kuba Ni bulele kuli ni mupolofita.”

¹⁹⁹ Ki hali, “Kono sicaba kona mo si kubizeza. Wena nako kaufela u omanyanga basali bani, ka za kutina zekuswani,” mi—mi, oh, muuna wa Pentekota. Ki hali, “Ka za kutinanga zekuswani, ni kukuta milili yabona, ni lika zeñwi.” Ali, “Wo ha kona musebezi wa hao.”

Na li, “Ki musebezi wa mañi he?”

²⁰⁰ Mi ki hali, “Sicaba sani, kiñi ha u sa lutu basali bani mwa kubela, ni limpo zetuna za moyo, ni kutusa sicaba, kufita kulika ku . . .” Ali, “Ba kukuteka. So ba bulelela, ba ka ku utwela.” Ali, “Kiñi ha u sa ba bulelelangi mwa ku amuhelela limpo zetuna ni kutusa sicaba, kufita ku ba omanyeleta luli bobusile?”

²⁰¹ Na li, “Kana Ni ka baluta cwani alugebura kono ba sa zibi ABC ya bona?” Mwabona? Mwabona?

²⁰² U swanelia ku kalelafafasi, mubake kamba mwa shwa! Cwale mwakona ku i ceka, mubake kamba mwa shwa! Jesu Kreste u i tibahalize Iliyena mo, busihu mwa mulaho wa busihu. Mi bo kona busihu bo ne lu talima bwa puluso yee. Ki mihato yelikani fela kutaha kwanu, mi Ni na ni nako yeñata ya kulibeleta.

²⁰³ Muhupule, Birmingham, mali a hao ha yo kuna. Ni lukuluhile kwa mulatu. Mi haiba kaniti una ni Moya o Kenile, una ni kolo ya kutaha cwale. Mi haiba u katazwa ki mufuta omuñwi wa keleke o kutiselize butuku bwa buitibali bwa moyo, kiñi ha u sa tahi? Jesu ki yena kalafo. Kiñi ha u si ke wa taha?

²⁰⁴ Cwale batu babañwi bazwile fa sibaka sa fa halimu. Ne ni libeleta kubona kone bainzi, kuli bazwela fande kamba bataha kwa katala. Babainzifafasi fa, amutahe kwanu neku le. Ona cwalo. Mina babali fa, amutahe muteme kwanu kwa aletare, muli, “Ni felize ka ze.” Eeh, nebasweli kutaha kwanu, likalibe zepeli. Zeo kizende.

²⁰⁵ Amutahe kwanu cwale. Ki mihato yelikani fela kuzwa foo. Mi mihato yeo ikona kutalusia shutano.

²⁰⁶ Cwale, amutalime, Ni bata ku mi buza nto yeñwi. Kucwani haiba U taha busihu boo? “Oh,” muli, “Ha koni kutaha.” Ha ni zibi haiba Wataha kamba ha tahi. Se kona sisupo sa mafelelezo. Muhupule, SA BULELA MULENA KISONA! Kana mukile mwa ni utwa kubulela cwalo haiba ha ki niti? Musweli kubona sisupo sa mina sa mafelelezo. Ao kona Mañolo. Muboni sisupo sa mina

sa mafelelezo, Pentekota. Musike mwa lyangana cwale ni sa Na sepisize Isilaele kasamulaho wa Kuungelwa; bao ha ki mina. Mu felile, ka nako yeo. Mwabona? Cwale le kona lizazi la hao. Cwale kona sisupo sa hao. Cwale kona nako ya hao. Usike wa I hana. Usike wa eza cwalo. Mbwesha u tahe fela. Mu ni lumela kuba mutanga Mulimu? Muhupule.

²⁰⁷ Birmingham, Ha ni si ka katana kale sicaba se sinde cwana. Mina mu sicaba sesinde luli se Ni kona kutabela kuba ni sona mwa bupilo bwaka, kono mutokwa ancafazo. Mwa shwa. Mu yambula buitibali bwa moyo. Musweli mwa shwa. Musike mwa eza cwalo. Mu ncaafaze se musweli. Mu si pahamise nyana, kapili, Jesu a si ka taha kale.

²⁰⁸ Ku lukile, habanze basweli... Muzwelepili kutaha. Mu ba lumeleze fela kutaha kufitela luba ni bona kaufela, kuli Mulena usweli wabiza, fahalimu fa. Amutahé cwale.

²⁰⁹ Muzwe kwa buitibali boo. Mualafi yomutuna yani uteni ona cwale ku to folisa, li zwisize ku wena. U bonisize kuli Utensi mo. Ki ba bakai baba ka izibahaza ni seo, ka kunanula lizoho la hao, muli, "Na luli na lumela; kuli Na bulezi kuli U ka eza ona cwalo"? Mwabona? Cwale Utensi mo. Mwabona? Mwabona? Mwa lumela.

²¹⁰ Mi cwale ki ba bakai babaziba kuli Ni mi bulelela niti, kuli mwa shwa mi mutokwa ancafazo? [Kopano ili, "Amen."—Mu.] Mwabona? Ki niti.

²¹¹ Mu sicaba sesinde. Hamukoni kufumana babande kufita foo. Hakuna lipilu zende zebeleka luli, kufita ze li mwatasi a lihembe za kwa Mboela ze kwanu. Yeo ki niti, sicaba sesinde! Kono, balikani, mbwesha muzuhe, kapili luli! [Muzwale Branham unata fa kataala—Mu.] Mwa nako ye mu sa zibi, kona fo li kona kuezahalela. Halikoni kuezahala hakulata; Ha ni zibi.

²¹² Kono, muhupule, mu amuhela temuso yamina ya mafelelezo, kacwalo musabe ha mu sa na ni nako ya kusaba. Amutahé cwale. Haibile fela basweli kutaha, Ni ka libeleta, kakuli kwakona kuba... Moyo ulimuñwi ulikana ni mafasi alikana likiti zelishumi. Haibile fela sicaba si kolwe...

²¹³ Ni tabela kubona se ha si kena mwa ancafazo yetuna ye ka toma keleke kaufela yeliteni mo; haiba mu ka zwa kwa kushutana kwa mina ni kuzwisa buitati bo kaufela, ni kuamuhela Moya o Kenile. Mu bulezi kuli mu lumela Cwalo. Mu bulezi kuli mu lumela Cwalo, mi, ha Bu taha kwa ku itibahaza ili Bona, kona fo mu ka ikaba ku babañwi. Kiñi ha lu sa kopanyi fela lipilu zaluna ni Linzwi la Mulimu ni kulumela Niti? Zeo ki zona. Mukana mu zwelapili kushwa, kushwa, mi mukana muzwelapili kukena mwa Laodesia. Ona cwalo sa Na sepisize, Si ka ba ona cwalo. Kikuli ha mutahi cwale? Cwale kona lizazi. Cwale kona nako ye swanelia. Mutualime seo Moya o Kenile u ka eza.

²¹⁴ Cwale Ni bata bakutazi kaufela kwanu, ba baiseza ngana sicaba se, amutahé mu to lapela nina, hamoho. Amutahé

kwanu, bakutazi kaufela ba ba iseza nga sicaba se. Amutahe, mutahe fela kwanu, mi mukene mwahala sicaba, mukutazi kamba mubeleki wa hao, mubeleki yomunde luli, musali yakona kutabela kuyema ni basali ba cwale. Ni ka lumela, ka pilu yaka kaufela, kuli Moya o Kenile u tahe mwa sibaka se ona fa cwale ni kuiponahaza Iliyena mwahala sicaba se.

²¹⁵ Cwale haluboneñi ni laele sicaba se kwanu, pili. cwale, balikani, kaufela se muteni kwanu, Wa si ziba. Mi Na kona ku mi bonisa zona, Si ka nga, iliñwi ka iliñwi, mutahe kwanu kwapili fa katala ka, mi hakuna kuba nto niyekana ya si ke Azibisa. Cwale zeo libile teñi kuzwa inge Ni sa li fela mushimani yomunyinyani. Mpo yeo haina lipuzo. Kono puzo ki kuli, kana mwakona ku i muhela? Na mwa i lumela? Cwale Uteni mo. Kihande, haiba Uteni mo, konakuli kuna ni fela nto iliñwi, Yena ubuluka Linzwi la Hae. Mi mulumele fela kuli mwa li i amuhela, ni ku i amuhela, ni kunanuha ni kubulela kuli, “Mulena Mulimu, Nitile fa kuli ni amuhele,” mi muine fela ona foo kufitela si ezahala.

²¹⁶ Sina Buddy Robinson yana ize nako yeñwi kuli, mwa simu ya mbonyi. A li, “Mulena, ha U sa ni fi Moya o Kenile, ha Uka kuta Uka fumana libunda la masapo lali kubundama ona fa.” Na ipile kufelelela luli. Mi hauna kuamuhela sika ku Mulimu konji pili ube mwa ñalelwa.

²¹⁷ Cwale, kikuli mulemuhile limela za kacenu, kana mulemuhile kacenu ze lu ezanga? Luna, luli, luna ni Mulimu yomutuna yaina ni luna kuli mane ha lu taha kwa katala, lubulela kuli, “Eeni, mwendi Ni nanuhe fela.” Cwale cwalo kona mo li ezeza lifasi lote. “Eeni, mbwesha Ni nanuhe ni yo yema.” Nili, “Kihande, kihande, Ha ni zibi. Ki Na yo, mwabona.” Hum! Ha ki sibaka ni seo kuba kusona! Hakuna mulilo o tuka. Hakuna ciseho yetuba. Hakuna zakuli “kena ku Sona!” Mi, kakuba mubuleli, seo si ni bulaya fela kubona sicaba sa Mulimu mwa buino boo. Lu swanelia kuba ni mulilo.

²¹⁸ Kono, mwa bona, kinto mañi yeo? Kona ona cwalo luli mo Ni mi bulelezi. Sinulo 3, “Wa enya fela. Mi,” Na ize, “kakuli u yaenia fela, Ni ka kutaza mwa mulomo wa Ka.” Kana kucwalo? [Kopano ili, “Amen.”—Mu.] Kona za Na bulezi ona zeo. Mi, haiba Na bulezi cwalo, ona zeo kona Za ka eza. Kacwalo lusike lwa ba sicaba seo.

²¹⁹ Uteni mo, utokwile. Halu Iamuhele, kamba lwa shwa, ona fa mo. Yeo ki niti. Ha lu Iamuhele, kamba lwa shwa.

²²⁰ Cwale, muzwale wa ka, kezeli, haiba Ni kona kutahafafasi ku mi ezeza sika, Ne ni ka si eza luli. Cwale, ka mpo, Na mi bulelela se mutezi. Nakona ku mibulelela zateni, ka Moya o Kenile, ka Moya o Kenile, ku mi bulelela se mutezi kwanu, so ezize, se bukaba bukamusso, kamba nto ye cwalo fela; kono zeo ha lina butata. U swanelia kuba amuhela Se, wena kasibili. Si lukela kuba wena!

²²¹ Cwale u itukisize naa? A ku nanule lizoho, ni kubulela kuli, “Ni itukisize. Ni itukisize kushwela ona fa.” Cwale usike waeza cwalo konji haiba u talusa cwalo. “Ni itukisize kushwela ona fa, kamba nibe Ni ze ni bata ku Mulimu.” Amen. Kana mu itukisize luli? [Kopano ya nyakalala ni kubulela kuli, “Amen.”—Mu.]

²²² Kipeto cwale sicaba ha si yeme, kai ni kai. Cwale hamoho, hamoho, ha lu tamahaneñi hamoho. Halu lapleñi. Mi halu ezeñi fela . . . Mina bakutazi cwale mutahe kwa sicaba se kwanu, mañi ni mañi, mi muyemela mazoho a Kreste cwale.

²²³ Mina mubata Moya o Kenile, mina mubata kutwisiso yeo, isiñi tabo ya maikuto fela; ubata moya o Kenile, Bupilo, peu ya Bupilo, mwahali ku wena. Mi ubata kuzwisa buitibali bo bu ku—buku paleliswa ku itiba kuli umañi; ha u zibi fo yemi; ha u zibi so li sona; ha lu zweñi kwa lika zeo ona fa kapili! Kuna ni Kupepwa sinca kwa hao, kwa niti, Kupepa sinca kwa luli.

²²⁴ Cwale ha lu beyeñi mazoho aluna fahalimwa sicaba se. Kifo, mañi ni mañi, lu nanuleñi mazoho aluna ni kulapela mwa buñwi.

²²⁵ Ndate yakwa Lihalimu, ka Libizo la Mulena Jesu, lumeleza, Mulena, kuli ka Libizo la Jesu Kreste, kuli Moya o Kenile utahe busihu boo, busihu bwa la Pelekelo boo, ko Moya o Kenile no wile sina moya omutuna wa liñungwa. Mi sicaba se si kolobezwe ka Moya o Kenile. Mulilo ni Mata a Mulimu li si ke za ba siya. Haiba bateni mo kakusasana cwana, ha baine, baine kufitela Moya o Kenile u taha.

²²⁶ Wo kona mulelo! Kona cwalo! Kona Ona cwalo. Wo kona Moya o Kenile otaha.

[Muzwale Branham u ambola ni yomuñwi inza zwa fa katala—Mu.] Ni ezize cwalo. Na ziba cwalo.

Ku felile. Amu I lumele cwale! Mu I amuhele! Mutazwe ka limbuyoti za Hae. [Kopano izwelapili kulapela ni kunyakalala.]



BUITIBALI BWA MOYA LOZ64-0411
(Spiritual Amnesia)

Liñusa le ka Muzwale William Marrion Branham, neli katalizwe lwa pili mwa Sikuwa la Pelekelo manzibwana, Lungu 11, 1964, ili fa National Guard Armory mwa Birmingham, Alabama, U.S.A., iingilwe kuzwa fa tepu ya magesi ya manzwi ni ku hatisiwa kusina kuzusa sika mwa teni kuya Sikuwa. Toloko ye ya mwa Silozi nei hatisizwe ni ku hasanyiwa kiba Voice Of God Recordings.

LOZI

©2022 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Zibiso ya bahatisi

Litukelo kaufela li bulukilwe. Buka ye yakona kupulintwa fa pulinta ya mwa ndu kuli iitusiswe ki mutu kamba kuli ifiwe ku yomnwi, mahala feela, kakuba siitusiso sa ku hasanya Evangelí ya Jesu Kreste. Buka ye hailekiswi, kuatiswa mwa buńata, ku nepelwa fa moyá wa webusaiti, ku bulukwa mwa mukwa wo bunolo, ku tolokwa mwa mishobo isili, kamba ku itusiswa kwa kukupa masheleńi ku sina tumelelano niba Voice Of God Recordings®.

Ka litaba zeńata kamba ka libuka zeńwi ze liteni, shangwe muńolele kwa:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org